

**საბანკო მომსახურების სტანდარტული პირობები
იურიდიული პირებისთვის**

1. ტერმინთა განმარტება

1.1. თუ პირობებში და/ან მის შემადგენელ დოკუმენტებში (ასეთის არსებობის შემთხვევაში) სხვა რამ პირდაპირ არ არის განსაზღვრული ან მისი/მათი კონტექსტიდან ერთმნიშვნელოვნად სხვა რამ არ გამომდინარეობს, პირობებისთვის ქვემოთ მოცემულ ტერმინებს აქვს შემდეგი მნიშვნელობა:

ანგარიში	კლიენტის სახელზე ბანკში გახსნილი ნებისმიერი ტიპის საბანკო ანგარიში
ბანკი	სს „ბანკი რესპუბლიკა“, საიდენტიფიკაციო კოდი 204856263, მისამართი: საქართველო, ქ. თბილისი, 0179; გ. აბაშიძის ქ. N2
ბანკის სამუშაო საათები	დროის მონაკვეთი სამუშაო დღის 9.30 საათიდან 17.30 საათამდე, ხოლო შაბათს 9.30 საათიდან 14.00 საათამდე
ბანკის სამუშაო დღე/საბანკო დღე	დღე , კვირის და კანონმდებლობით განსაზღვრული უქმე დღეების გარდა
ბანკის არასამუშაო დღე	კვირა ან კანონმდებლობით განსაზღვრული უქმე დღეები
ბანკის არასამუშაო საათები	დროის ნებისმიერი მონაკვეთი, გარდა ბანკის სამუშაო საათებისა
ბეჭედი	კლიენტის მიერ ბანკისთვის წარდგენილ ხელმოწერათა ნიმუშებიან ბარათში დაფიქსირებული ბეჭდის ტვიფრი, რომელსაც კლიენტი ხელმოწერასთან ერთად გამოიყენებს ბანკისთვის მიცემული დავალებების დასადასტურებლად
განცხადებები და გარანტიები	კლიენტის განცხადებები და გარანტიები, რომელიც მოცემულია წინამდებარე პირობების მე-4 მუხლში
განაცხადი	კლიენტის მიერ შევსებული ან/და ხელმოწერილი ან/და ელექტრონულად ან/და ბანკისათვის მისაღები სხვა ფორმით ბანკისათვის გადაგზავნილი/მიწოდებული დოკუმენტი, რომლის ფორმა ბანკის მიერ არის დადგენილი, და რომელიც მიზნად ისახავს ქვემოთ მითითებულთაგან ერთ-ერთს, რამდენიმეს ან ერთდროულად ყველას: <ul style="list-style-type: none"> - ბანკისათვის ინფორმაციის მიწოდებას; - საბანკო მომსახურების ახალი სახეობით სარგებლობას; - ბანკთან გარიგების დადებას და/ან გარიგების დადების ნების გამოხატვას.
დანართი	თუ ერთმნიშვნელოვნად სხვაგვარად არ იქნა გათვალისწინებული ხელშეკრულებით , მისი და მისი შემადგენელი ნებისმიერი სხვა დოკუმენტ(ებ)ის დანართ(ებ)ი, რომელიც/რომლებიც წარმოადგენს ხელშეკრულების ან მისი შემადგენელი ნებისმიერი სხვა დოკუმენტის განუყოფელ ნაწილს და მოქმედებს მასთან/მათთან ერთად
დღე	კალენდარული დღე
ეროვნული ვალუტა	საქართველოს ეროვნული ვალუტა
ვებგვერდი ან ბანკის ვებ გვერდი	www.br.ge
იურიდიული პირი	საქართველოს ან სხვა ქვეყნის კანონმდებლობით გათვალისწინებული ორგანიზაციული წარმონაქმნ(ებ)ი, გარდა საქართველოს სახელმწიფო ხაზინის მომსახურებაზე მყოფი საბიუჯეტო ორგანიზაციებისა, რომლებსაც საქართველოს კანონმდებლობით დადგენილი წესით შესაძლოა გაეხსნათ ანგარიშ(ებ)ი საბანკო დაწესებულებებში
კანონმდებლობა	საქართველოს მოქმედი საკანონმდებლო და კანონქვემდებარე ნორმატიული აქტები, აგრეთვე საქართველოს ნორმატიულ აქტთა სისტემაში მოქცეული საერთაშორისო ხელშეკრულებები და შეთანხმებები
კლიენტი	იურიდიული პირი რომელიც ამ პირობების მხარეა და სარგებლობს ერთი ან რამდენიმე მომსახურებით
კონფიდენციალური ინფორმაცია	ნებისმიერი ინფორმაცია, გარდა პირობების 9.2-9.5 პუნქტებით გათვალისწინებული ინფორმაციისა
მესამე პირი	ნებისმიერი პირი , გარდა მხარეებისა
მომსახურება/მომსახურებები	ბანკის მიერ კლიენტისათვის ამ პირობების და მისი დანართების

მხარე	შესაბამისად გაწეული ნებისმიერი საბანკო მომსახურება, მათ შორის სალარე და სავალუტე ანგარიშებით მომსახურება კლიენტი ან ბანკი , კონტექსტის შესაბამისად
მხარეები	კლიენტი და ბანკი ერთდროულად
მიმდინარე ანგარიში	საბანკო ანგარიში, რომლებზეც აღირიცხება კლიენტის ფულადი სახსრები და რომელსაც განკარგავს კლიენტი კანონმდებლობით დადგენილი წესით
მულტისავალუტო ანგარიში	ანგარიში , რომელზეც აღირიცხულია კლიენტის ფულადი სახსრები ცალ-ცალკე რამდენიმე ვალუტით და რომელიც რაოდენობრივად წარმოადგენს ერთ ანგარიშს . მულტისავალუტო ანგარიშის არსებობისას სავალდებულოა ანგარიშის არსებობა ეროვნულ ვალუტაში
მომსახურე ორგანიზაცია	(პროვაიდერი) კომუნალური, საკომუნიკაციო ან სხვა ტიპის მომსახურების მიმწოდებელი კომპანია, რომლის მომსახურების საზღაურს იხდის კლიენტი Direct Debit საშუალებით
პირი	ფიზიკური პირ(ებ)ი, იურიდიული პირ(ებ)ი ან/და საქართველოს ან სხვა ქვეყნის კანონმდებლობით გათვალისწინებული სხვა ორგანიზაციული წარმონაქმნ(ებ)ი
პირობები რეესტრი	წინამდებარე საბანკო მომსახურების სტანდარტული პირობები (ა) ფასიანი ქაღალდების (აქციების) შემთხვევაში - კანონმდებლობით გათვალისწინებული ფასიანი ქაღალდების რეგისტრატორი (ან/და კანონმდებლობით გათვალისწინებულ შემთხვევაში, კანონმდებლობით გათვალისწინებული შესაბამისი უფლებამოსილი პირ(ებ)ი), (ბ) საჭაერო და საზღვაო ხომალდების შემთხვევაში - შესაბამისად სსიპ საქართველოს სამოქალაქო ავიაციის სააგენტო ან სსიპ საქართველოს საზღვაო ტრანსპორტის სააგენტო (ან/და კანონმდებლობით გათვალისწინებულ შემთხვევაში, კანონმდებლობით გათვალისწინებული შესაბამისი უფლებამოსილი პირ(ებ)ი), (გ) მექანიკური სატრანსპორტო და დამხმარე ტექნიკური საშუალებების შემთხვევაში - საქართველოს შინაგან საქმეთა სამინისტროს მომსახურების სააგენტო, (დ) სხვა შემთხვევებში - საქართველოს იუსტიციის სამინისტროს საჯარო რეესტრის ეროვნული სააგენტო, ან კანონმდებლობით გათვალისწინებული სხვა შესაბამისი უფლებამოსილების მქონე პირ(ებ)ი
საკომისიო	ხელშეკრულების ან/და მასთან დაკავშირებული სხვა დოკუმენტ(ებ)ის ფარგლებში და მათ შესაბამისად, კრედიტით ან/და ნებისმიერი სხვა მომსახურებით სარგებლობისათვის ბანკის მიერ კლიენტისათვის დაწესებული გადასახადი, რომლის ოდენობა და გადახდის პირობები განისაზღვრება პირობებით, დანართით ან/და ხელშეკრულების ან/და მისი შემადგენელი სხვა დოკუმენტ(ებ)ის დებულებების შესაბამისად ან საკომისიოს დარიცხვის მომენტისათვის ბანკში არსებული ტარიფების შესაბამისად
საოპერაციო დღე	დროის მოხაკვეთი 9.30 საათიდან 16:30 საათამდე ორშაბათიდან პარასკევის (კანონმდებლობით განსაზღვრული უქმე დღეების გარდა) ჩათვლით
სანქცია/სანქციები	ნიშნავს ნებისმიერ ეკონომიკურ თუ ფინანსურ სანქციას, სავაჭრო ემბარგოს ან მსგავს ზომას, რომელიც მიღებულია, ადმინისტრირებულია ან აღსრულებულია რომელიმე შემდეგი სუბიექტის (ან ამ სუბიექტის ორგანოს მიერ) მიერ: (ა) გაერთიანებული ერების ორგანიზაცია; (ბ) ამერიკის შეერთებული შტატები; (გ) ევროკავშირი და/ან მისი რომელიმე ამჟამინდელი ან მომავალი წევრი ქვეყანა
სანქცირებული პირი	ნებისმიერი ფიზიკური და/ან იურიდიულ პირი, რომელიც წარმოადგენს სანქციის დასახელებულ სამიზნეს ან სხვაგვარად წარმოადგენს სანქციის ობიექტს (რაც ყოველგვარი შეზღუდვის გარეშე მოიცავს შემთხვევას, როდესაც პირი (ა) პირდაპირ ან არაპირდაპირ კონტროლდება და/ან მფლობელობაშია ნებისმიერი პირის, რომელიც არის სანქციების დასახელებული სამიზნე, ან (ბ) რეგისტრირებულია იმ ქვეყნის კანონმდებლობის შესაბამისად და/ან არის იმ ქვეყნის მოქალაქე ან რეზიდენტი, რომელიც წარმოადგენს

არასტანდარტული პირობები	ზოგადი ან ქვეყნის მასშტაბით მოქმედი საწესების ობიექტს) პირობების შესაბამისი დანართით (ამგვარის არსებობის შემთხვევაში) განსაზღვრული პირობები, მასში შეტანილი დამატებებისა და ცვლილებების ჩათვლით
საფულე ჩევი	ფასიანი ქაღალდი, რომელიც შეიცავს კლიენტის წერილობით დავალებას ბანკისადმი გაანაღდოს ჩეკში აღნიშნული თანხა
უცხოური ვალუტა	ნებისმიერი ვალუტა, გარდა ეროვნული ვალუტისა
შემადგენელი დოკუმენტი	პირობების შესაბამისად და მის საფუძველზე დადებული და/ან შექმნილი ხელშეკრულებები, შეთანხმებები და/ან სხვა სახის დოკუმენტები
ხელმოწერის ნიმუში	კლიენტის მიერ ბანკისთვის წარდგენილ ხელმოწერათა ნიმუშებიან ბარათში დაფიქსირებული და/ან სანოტარო წესით დამოწმებული კლიენტის წარმომადგენლობაზე უფლებამოსილი პირის ხელმოწერის ნიმუში და ბეჭედი ერთობლივად, ხოლო ბეჭედის არ არსებობის შემთხვევაში, მხოლოდ კლიენტის წარმომადგენლობაზე უფლებამოსილი პირის ხელმოწერის ნიმუში
ხელშეკრულება	ბანკსა და კლიენტს შორის დადებული გარიგება, რომელიც შედგება განაცხადის , პირობების (მისი დანართების) და სხვა შემადგენელი დოკუმენტებისაგან (ამგვარის არსებობის შემთხვევაში).

2. ზოგადი ნაწილი

- 2.1. **ბანკი კლიენტს უწევს დანართებით** განსაზღვრულ მომსახურებას, ამავე **დანართების** და **პირობების** დებულებების შესაბამისად.
- 2.2. წინამდებარე დოკუმენტი წარმოადგენს საბანკო მომსახურების შესახებ **ბანკსა** და **კლიენტს** შორის დადებული **ხელშეკრულების** ნაწილს. კერძოდ, მის სტანდარტულ **პირობებს**.
- 2.3. **მომსახურების** მიღების მიზნით **კლიენტი** წერილობით მიმართავს **ბანკს**, რისთვისაც ავსებს შესაბამის **განაცხადს**. **განაცხადში** უნდა მიეთითოს **მომსახურების** ის სახეები, რომელთა მიღებაც სურს **კლიენტს**. **კლიენტის განაცხადის** განხილვის შედეგად **ბანკი** იღებს გადაწყვეტილებას, გაუწიოს თუ არა **კლიენტს განაცხადით** მოთხოვნილი მომსახურება. ამასთან, **ბანკი** უფლებამოსილია, გადაწყვეტილების მისაღებად **კლიენტს** მოსთხოვოს ნებისმიერი დამატებითი ინფორმაციისა და/ან დოკუმენტაციის წარდგენა.
- 2.4. **ბანკი** უფლებამოსილია, **კლიენტს** უარი განუცხადოს **მომსახურების** გაწევაზე, მათ შორის იმ შემთხვევებშიც, თუ **კლიენტმა** საერთოდ ან დროულად არ შეავსო, ხელი არ მოაწერა ან **ბანკს** არ დაუბრუნა ზემოაღნიშნული რომელიმე დოკუმენტი **ბანკისათვის** მისაღები ფორმითა და შინაარსით. **კლიენტის** მიერ **განაცხადის** შევსება, აგრეთვე, **ბანკისათვის** დამატებითი დოკუმენტაციის წარდგენა არ წარმოშობს **ბანკის** ვალდებულებას, გაუწიოს **კლიენტს პირობებით** გათვალისწინებული ყველა ან რომელიმე **მომსახურება**.
- 2.5. იმ შემთხვევაში, თუ **კლიენტი** უკვე სარგებლობს **მომსახურებით**, **პირობებით** გათვალისწინებული იმ სხვა (რომლითაც **კლიენტი** არ სარგებლობს) **მომსახურების** (ამგვარის არსებობის შემთხვევაში) მიღების/გააქტიურების მიზნით მან შესაბამისი **განაცხადით** უნდა მიმართოს **ბანკს**. **ბანკის** მიერ დადგენილ შემთხვევებში შესაძლებელია **მომსახურების** გააქტიურება წერილობითი **განაცხადის** გარეშე ან/და დისტანციურად - შესაბამისი სატელეფონო კომუნიკაციის, ელექტრონული ფოსტით გაგზავნილი შეტყობინების და/ან **ბანკისათვის** მისაღები სხვა ფორმის შეტყობინების **ბანკისათვის** ჩაბარებით. ამასთან, თუ **კლიენტს** აღარ სურს, ისარგებლოს **პირობებით** გათვალისწინებული რომელიმე ან ყველა საბანკო **მომსახურებით**, მან შესაბამისი წერილობითი განცხადებით ან/და **ბანკისათვის** სხვა ნებისმიერი მისაღები ფორმით უნდა მიმართოს **ბანკს**. ამ შემთხვევაში **ბანკის** მიერ შესაძლოა განისაზღვროს დამატებითი ვადა და/ან პირობები ამგვარი მომსახურების შესაწყვეტად.
- 2.6. **ბანკის** გადაწყვეტილება, გაუწიოს ან შეუწყვიტოს **კლიენტს** მოთხოვნილი **მომსახურება**, შესაძლოა გამოიხატოს **მომსახურების** ფაქტობრივად გაწევაში/არგაწევაში (მაგ: ანგარიშის გახსნა/არგახსნა, ბარათის დამზადება/არდამზადება და ა.შ.) ან ეცნობოს **კლიენტს ბანკისათვის** მისაღები გონივრული ფორმით ან/და ამ **პირობებით** განსაზღვრული შეტყობინებების/კომუნიკაციის ერთ-ერთი ან რამდენიმე საშუალებით.
- 2.7. **კლიენტი ბანკისადმი** წერილობითი მიმართვით (**განაცხადის** შევსების გზით) ეთანხმება წინამდებარე **პირობებს** და უერთდება **პირობების** იმ ნაწილს, რომელიც საერთოა **პირობებში** მითითებული ყველა **მომსახურებისათვის**, აგრეთვე იმ ნაწილსაც, რომელიც არეგულირებს იმ საბანკო პროდუქტ(ებ)ით მომსახურების პირობებს, რომელთა გაწევის თანხმობაც **ბანკმა** დაადასტურა.
- 2.8. **პირობები** სხვა საკითხებთან ერთად არეგულირებს **დანართ(ებ)ში** მოცემულ **საბანკო პროდუქტებთან/მომსახურებასთან** დაკავშირებულ ურთიერთობებს.
- 2.9. **პირობებში** აღწერილი რომელიმე **პროდუქტით/მომსახურებით კლიენტის** მიერ ფაქტობრივ სარგებლობას **ბანკი** მიიჩნევს იმის მტკიცებულებად, რომ **კლიენტი** ეთანხმება წინამდებარე **პირობებს**.
- 2.10. იმ შემთხვევაში, თუ **დანართებში** მოცემულ რომელიმე **მომსახურებასთან** დაკავშირებით **ბანკსა** და **კლიენტს** შორის დადებულია კონკრეტული ხელშეკრულება, **პირობები** ამ ხელშეკრულების ნაწილი გახდება წინამდებარე **პირობების** ამგვარი **კლიენტთან** მიმართებაში ძალაში შესვლის მომენტიდან, ამ **პირობების** დებულებების შესაბამისად. ამასთან, თუკი **ბანკის** მიერ სხვაგვარად არ იქნება განსაზღვრული, **კლიენტსა** და

- ბანკს** შორის დადებული ხელშეკრულების დებულებებსა და **პირობების** დებულებებს შორის რაიმე წინააღმდეგობის აღმოჩენის შემთხვევაში უპირატესობა მიენიჭება **პირობების** დებულებებს.
- 2.11. **კლიენტი** ვალდებულია, სამართლებრივი სტატუსის, იურიდიული/ფაქტობრივი მისამართის, საფირმო სახელწოდების, **ანგარიშზე** უფლებამოსილი პირების და/ან **ბანკისათვის** მიწოდებული სხვა მონაცემების შეცვლის შესახებ წერილობით აცნობოს **ბანკს** ამგვარი ცვლილებიდან არაუმეტეს 5(ხუთი) **დღის** ვადაში და წარუდგინოს მას ცვლილებების დამადასტურებელი შესაბამისი დოკუმენტების ორიგინალები ან სანოტარო წესით დამოწმებული ასლები (ამგვარის არსებობის შემთხვევაში). აღნიშნული ცვლილების **ბანკისათვის** შეუტყობინებლობით გამოწვეული ნებისმიერი სახის შედეგზე პასუხისმგებლობა ეკისრება **კლიენტს**.
- 3. საკომისიო და მისი გადახდის ზოგადი წესი**
- 3.1. **მომსახურების** სანაცვლოდ **კლიენტი** ვალდებულია **ბანკს** გადაუხადოს **საკომისიო**, რომლის ოდენობაც და გადახდის წესიც განსაზღვრულია **ბანკის** მიერ და მოცემულია შესაბამის **დანართში** ან/და **ბანკის ვებ-გვერდზე** ან ზოგადად მოქმედებს **ბანკში საკომისიოს** დარიცხვის მომენტისათვის და ეცნობება **კლიენტს** კონკრეტული მომსახურების მიღებისას.
- 3.2. **დანართში** (ამგვარის არსებობის შემთხვევაში) მოცემულ **საკომისიოებს** და **ბანკის ვებ-გვერდზე** მოცემულ ან სხვაგვარად განსაზღვრულ **საკომისიოებს** შორის შეუსაბამობის შემთხვევაში, უპირატესობა ენიჭება **დანართში** მოცემულ **საკომისიოებს**.
- 3.3. თუ **კლიენტმა ბანკს** უკვე გადაუხადა **საკომისიო**, მაგრამ შეწყვიტა ან შეაჩერა არჩეული **მომსახურებით** სარგებლობა, გადახდილი **საკომისიო კლიენტს** უკან არ დაუბრუნდება.
- 3.4. თუ **ბანკის** მიერ სხვაგვარად არ იქნება განსაზღვრული და/ან **მხარეთა** შორის შეთანხმებული, **მრავალფუნქციური მიმდინარე ანგარიშით** მომსახურების არჩევის შემთხვევაში **კლიენტი** ვალდებულია, პირველი თვის ადმინისტრირების **საკომისიო ბანკს** გადაუხადოს შესაბამისი **განაცხად(ებ)ის** (ამგვარის არსებობის შემთხვევაში) გაფორმებისთანავე, მომდევნო თვეების ადმინისტრირების **საკომისიოს** გადახდა კი უნდა განხორციელდეს ყოველთვიურად, არა უგვიანეს იმავე თარიღისა, რომელშიც გაიხსნა აღნიშნული სახის ანგარიშ(ებ)ი. ამასთან, თუ **მხარეები** შეთანხმდებიან **საკომისიოს** ყოველწლიურად გადახდაზე, **კლიენტი** ვალდებულია, პირველი წლის ადმინისტრირების **საკომისიო ბანკს** გადაუხადოს შესაბამისი **განაცხად(ებ)ის** (ამგვარის არსებობის შემთხვევაში) გაფორმებისთანავე, მომდევნო წლების ადმინისტრირების **საკომისიოს** გადახდა კი უნდა განხორციელდეს ყოველწლიურად, არა უგვიანეს იმავე თარიღისა, როდესაც გაიხსნა აღნიშნული სახის ანგარიშ(ებ)ი.
- 3.5. **მრავალფუნქციური მიმდინარე ანგარიშის** ადმინისტრირების **საკომისიოს** გადახდისათვის დადგენილი თარიღიდან 30 (ოცდაათი) **დღის** განმავლობაში **კლიენტის** მიერ **საკომისიოს** არგადახდის შემთხვევაში **კლიენტს** ეზღუდება მის მიერ **მომსახურებით** სარგებლობის უფლება. ამ **მომსახურების** თავიდან გასააქტიურებლად **კლიენტი** ვალდებულია, სრულად გადაიხადოს **საკომისიო** და აქტივაციის **საკომისიო ბანკში** დადგენილი ტარიფების შესაბამისად.
- 3.6. თუ დადგენილ ვადებში **კლიენტმა** არ გადაიხადა რომელიმე **საკომისიო**, **ბანკი** უფლებამოსილია, **კლიენტის** დამატებითი თანხმობის გარეშე, **კლიენტის ანგარიშებიდან** ჩამოჭრას თანხები **ბანკის** მიერ განსაზღვრული რიგითობით (საჭიროების შემთხვევაში კონვერტაცია განახორციელოს **ბანკში** არსებული კომერციული კურსის შესაბამისად) და მიმართოს **ბანკის** მიმართ არსებული ვალდებულების შესასრულებლად.
- 4. კლიენტის განცხადებები და გარანტიები**
- 4.1. **კლიენტი** აცხადებს, რომ ფლობს **პირობებით** განსაზღვრული პროდუქტებით/მომსახურებით სარგებლობის უფლებამოსილებას და ამისათვის მას მოპოვებული აქვს ყველა აუცილებელი თანხმობა და **ნებართვა**. თუ **კლიენტს** არ გააჩნია **პირობებში** ჩამოთვლილი რომელიმე პროდუქტი/მომსახურებით სარგებლობის უფლება, მასზე არ გავრცელდება **პირობების** ის დებულებები, რომლებიც ამ პროდუქტს/მომსახურებას აწესრიგებს. ასეთი დებულებები **კლიენტისათვის** ამოქმედდება პროდუქტებით/მომსახურებით სარგებლობის უფლების **ბანკის** მიერ **მინიჭებასთან** ერთად.
- 4.2. **კლიენტი** აცხადებს, რომ არ მონაწილეობს არც ერთ სასამართლო პროცესში, მათ შორის, ადმინისტრაციულ, სისხლის, სამოქალაქო სამართალწარმოებაში (მოსარჩლის, მოპასუხის, **მესამე პირის** ან სხვა სახით), რითაც საფრთხე ექმნება მის მიერ წინამდებარე **ხელშეკრულებით** და/ან **ბანკთან** დადებული სხვა ხელშეკრულებ(ებ)ის პირობების შესრულებას.
- 4.3. **კლიენტი** აცხადებს, რომ მის მიერ **ბანკში** წარდგენილი ინფორმაცია **განაცხადის** შევსების ან/და წინამდებარე **პირობების** ძალაში შესვლის დღისათვის არის უტყუარი, სრული და ზუსტი. მისი ქმედება არ არის/არ იქნება მიმართული **ბანკის** მოტყუებისკენ. აღნიშნული პრინციპის გათვალისწინებით **პირობების** დასადებად, ან მის საფუძველზე რომელიმე პროდუქტით/მომსახურებით სარგებლობის მიზნით **კლიენტის** მიერ **ბანკისთვის** წარდგენილი დოკუმენტი და/ან ინფორმაცია მისი წარმოდგენის მომენტისთვის ასევე არის/იქნება უტყუარი, ზუსტი და სრული. ამასთანავე, **კლიენტისთვის** ცნობილია, რომ ყალბი დოკუმენტების და/ან ინფორმაციის მიწოდება კანონმდებლობის შესაბამისად წარმოადგენს დასჯად ქმედებას.
- 4.4. **კლიენტი** აღიარებს და ადასტურებს, რომ **ბანკში** გახსნილი **ანგარიში** გამოყენებული იქნება მხოლოდ **კანონმდებლობით** დაშვებული ოპერაციებისათვის. **კლიენტი** აცხადებს თანხმობას, რომ მის **ანგარიშზე** თანხები შეიტანოს ნებისმიერმა **მესამე პირმა**. ამასთან, **კლიენტი** აცნობიერებს, რომ **მესამე პირის** მიერ

- კლიენტის ანგარიშზე** თანხის შეტანის შემთხვევაში, ამ მესამე პირისათვის შესაძლოა, ცნობილი გახდეს ანგარიშის ნომერი.
- 4.5. **კლიენტი** ადასტურებს, რომ **პირობები** დადებულია **კლიენტის** მიერ ნებაყოფლობით, **ბანკის** ან სხვა **მესამე პირის** მხრიდან ძალადობის, მუქარის, მოტყუების, შეცდომის და/ან რაიმე სხვა გარემოების გამოყენების გარეშე; **პირობების** დადება და შესრულება არ გამოიწვევს მის მიერ ადრე დადებული გარიგებების პირობების დარღვევას.
 - 4.6. **პირობების** დადების დროისთვის არის/იქნება უფლებაუნარიანი (მათ შორის, დაფუნქციონირებული **კანონმდებლობით** დადგენილი წესით).
 - 4.7. **კლიენტი** აცნობიერებს და ეთანხმება, რომ მისი წინამდებარე განხილვები და გარანტიები მოქმედებს **პირობების** მოქმედების მთელი ვადის განმავლობაში და ის(**კლიენტი**) აცხადებს და ადასტურებს, რომ დაუყოვნებლივ მიაწვდის **ბანკს** ინფორმაციას იმ პოტენციური და/ან არსებული ადმინისტრაციული, სასამართლო (მათ შორის, საარბიტრაჟო სასამართლო) და/ან სხვა მსგავსი დავების (რაც ყოველგვარი შეზღუდვის გარეშე მოიცავს დავებს **კლიენტის** აქტივებთან/ქონებასთან, ან/და დავებს ან/და სამართალწარმოებას **კლიენტის** გადახდისუნარიანობასთან/ გაკოტრებასთან დაკავშირებით.) ან სამართალწარმოების შესახებ, რომელთაც შესაძლოა ზეგავლენა იქონიონ **კლიენტის** მიერ წინამდებარე **პირობებით** ნაკისრი და/ან მის საფუძველზე წარმოშობილი ვალდებულებების შესრულებაზე ან/და მის განცხადებებსა და გარანტიებზე.
 - 4.8. **კლიენტი** ან მისი აფილირებული პირი, ან მისთვის ცნობილი რომელიმე დირექტორი, მოხელე, აგენტი ან თანამშრომელი არ წარმოადგენს **სანქცირებულ პირს**.
 - 4.9. **კლიენტი** უზრუნველყოფს, რომ არცერთ პირს, რომელიც წარმოადგენს **სანქცირებულ პირს** არ ექნება რაიმე უფლება **კლიენტის** მიერ **ხელშეკრულებიდან** და/ან ნებისმიერი **შემადგენელი დოკუმენტიდან** გამომდინარე **ბანკისათვის** გადახდილ ან გადასახდელ თანხებზე და რომ **სანქცირებულ პირთან** განხორციელებულ რაიმე საქმიანობისგან მიღებული შემოსავალი ან სარგებელი არ იქნება გამოყენებული **ხელშეკრულების** და/ან ნებისმიერი **შემადგენელი დოკუმენტის** ფარგლებში **ბანკის** წინაშე არსებული გადასახდელის გადასახდელად.
 - 4.10. იგი კეთილსინდისიერად, სრულად და ჯეროვნად შეასრულებს **პირობებით** ნაკისრ ვალდებულებებს.
 - 4.11. **კლიენტის** აღნიშნული **განცხადებები** და **გარანტიები** ძალაშია კლიენტის მიერ საბანკო პროდუქტით/მომსახურებით სარგებლობის მთელი პერიოდი მანძილზე მიუხედავად ზოგიერთი **მომსახურების** სრულად ან ნაწილობრივ შეწყვეტისა.
 - 4.12. **კლიენტი** წერილობით დაუყოვნებლივ აცნობებს **ბანკს** ყველა იმ გარემოების შესახებ, რომლებიც შეიძლება ეწინააღმდეგებოდეს მის განცხადებებს და/ან გამოიწვიოს აღნიშნული გარანტიების დარღვევა.
 - 4.13. **მხარეები** აცხადებენ და აცნობიერებენ, რომ **ბანკი** მხოლოდ **კლიენტის** ზემოაღნიშნული განცხადებების და გარანტიების საფუძველზე და მათზე დაყრდნობით დებს/დადებს წინამდებარე **პირობებს** და შეასრულებს **პირობებით** ნაკისრ ვალდებულებებს.
- 5. ხელშეკრულების ძალაში შესვლა, მოქმედება და ზოგადი დებულებები**
- 5.1. **ხელშეკრულება** ძალაში შედის და მოქმედებს უვადოდ მხოლოდ მას შემდეგ, რაც **კლიენტი** შეავსებს შესაბამისი მომსახურების **განაცხადს** და **ბანკი** გამოხატავს თანხმობას მომსახურების მიწოდებაზე. ყოველგვარი ეჭვის გამორიცხვის მიზნით **ბანკის** თანხმობად არ განიხილება **განაცხადის** მიღებაზე **ბანკის** თანამშრომლის ხელმოწერა.
 - 5.2. მიუხედავად 5.1 პუნქტის დებულებისა, **ხელშეკრულება** ძალაში შევა მხოლოდ და მხოლოდ იმ შემთხვევაში, თუ დაკმაყოფილებულია ქვემოთ მოცემული ყველა პირობა:
 - 5.2.1. **კლიენტის** მიერ მოპოვებულ იქნება ყველა აუცილებელი თანხმობა და ნებართვა (**კანონმდებლობით** ან **ბანკის** მიერ განსაზღვრულ შემთხვევაში) **ხელშეკრულების** დასადებად და შესასრულებლად;
 - 5.2.2. **კლიენტი** **ბანკს** მიაწვდის წინამდებარე **პირობებით** გათვალისწინებულ ყველა აუცილებელ დოკუმენტსა და ინფორმაციას.
- 6. ხელშეკრულებაში ცვლილების შეტანის წესი**
- 6.1. **ბანკი** უფლებამოსილია, ნებისმიერ დროს ცალმხრივად შეცვალოს წინამდებარე **პირობებით** გათვალისწინებული წესები და/ან წინამდებარე პირობების სხვა **შემადგენელ დოკუმენტებში** (ასეთის არსებობის შემთხვევაში) ან/და **დანართებით** დადგენილი წესები და პირობები იმ მიზნით, რომ იგი (ისინი) შეესაბამებოდეს **ბანკში** დადგენილ ახალ წესებს, შეცვლილ საბაზრო პირობებს, საბანკო პრაქტიკასა და **კანონმდებლობას**. ამასთან, ნებისმიერი ასეთი ცვლილების შესახებ **ბანკი** საჯაროდ გაავრცელებს შესაბამის ინფორმაციას (**ვებ-გვერდზე** და/ან **ბანკის** ფილიალებში/სერვისცენტრებში ინფორმაციის განთავსებით) ან აცნობებს **კლიენტს** ამ **პირობების** მე-10 მუხლი შესაბამისად.
 - 6.2. **ბანკს** უფლება აქვს, ცალმხრივად შეიტანოს ცვლილებები **ხელშეკრულებაში**, მათ შორის შეცვალოს **საკომისიოს** ოდენობა. აღნიშნულის შესახებ **ბანკი** **კლიენტის** ინფორმირებას უზრუნველყოფს ცვლილებების ძალაში შესვლამდე 10 (ათი) **დღით** ადრე **პირობების** ამ მუხლის 6.1 პუნქტში დადგენილი წესის შესაბამისად.
 - 6.3. **კლიენტს** უფლება აქვს, ამ მუხლის 6.1 ან/და 6.2. პუნქტებში მითითებული გარემოების დადგომის შემთხვევაში, **პირობების** 7.1 პუნქტის შესაბამისად მოითხოვოს ამ **პირობებით** განსაზღვრული ყველა ან რომელიმე **მომსახურების** შეწყვეტა.

- 6.4. კლიენტის მიერ ამ მუხლის 6.3 პუნქტით განსაზღვრული უფლების არგამოყენების შემთხვევაში, **ბანკის** შეთავაზებული ცვლილებები მიჩნეულ იქნება **კლიენტის** მიერ მიღებულად, **ხელშეკრულება** კი – შეცვლილად.
- 7. ხელშეკრულების ვადამდე შეწყვეტის საფუძვლები**
- 7.1. **კლიენტს** უფლება აქვს, ცალმხრივად შეწყვიტოს **ხელშეკრულება**, რისთვისაც შეწყვეტამდე 30 (ოცდაათი) **დღით** ადრე წერილობით უნდა შეატყობინოს **ბანკს**.
- 7.2. **ბანკს** უფლება აქვს, ნებისმიერ დროს მთლიანად ან ნაწილობრივ ცალმხრივად შეწყვიტოს **ხელშეკრულება**, რისთვისაც შეწყვეტამდე 10 (ათი) **დღით** ადრე უნდა შეატყობინოს **კლიენტს**.
- 7.3. **ბანკი** უფლებამოსილია, დაუყოვნებლივ (წინასწარი შეტყობინების გარეშე) მთლიანად ან ნაწილობრივ შეწყვიტოს **ხელშეკრულება**, თუ:
- 7.3.1. **კლიენტის** მიერ ნაკისრი ვალდებულებები არ სრულდება;
- 7.3.2. **კლიენტის** ნებისმიერი განცხადება ან გარანტია აღმოჩნდება მცდარი ან არაზუსტი;
- 7.3.3. **კლიენტის** მიმართ დაიწყება გადახდისუუნარობის საქმის წარმოება და/ან ნებისმიერი სასამართლო დავა, რითაც საეჭვო გახდება **კლიენტის** მიერ ნაკისრი ვალდებულებების ჯეროვანი შესრულება;
- 7.3.4. **კანონმდებლობით** გათვალისწინებული საფუძვლების არსებობისას ან **პირობების დანართი #1-ის** 1.19 და 1.20 პუნქტებში მითითებული გარემოების დადგომისას;
- 7.3.5. თუ რომელიმე იურისდიქციის ფარგლებში **ბანკისთვის** უკანონო გახდა ან გახდება **ხელშეკრულებით** და/ან **შემადგენელი დოკუმენტებით** გათვალისწინებული რომელიმე ვალდებულების შესრულება ან თუ **კლიენტი**, მისი აფილირებული პირ(ებ)ი ან/და ან მისი ჯგუფის რომელიმე წევრი გახდება **სანქცირებული პირი**.
- 7.4. ამ მუხლის 7.3 პუნქტით გათვალისწინებული უფლების გამოყენების შემთხვევაში **ბანკი** ვალდებულია, **ხელშეკრულების** შეწყვეტიდან გონივრულ ვადაში შესაბამისი შეტყობინება გაუგზავნოს **კლიენტს**.
- 7.5. მიუხედავად **ხელშეკრულების** შეწყვეტის მიზეზისა:
- 7.5.1. თუ **ბანკის** მიერ სხვაგვარად არ იქნება განსაზღვრული, **ხელშეკრულების** შეწყვეტამდე **კლიენტი** ვალდებულია, დაუყოვნებლივ შეასრულოს **ბანკის** წინაშე არსებული ყველა (მათ შორის ფულადი) ვალდებულება;
- 7.5.2. **კლიენტი** ვალდებულია **ხელშეკრულების** შეწყვეტის თარიღამდე უზრუნველყოს **ანგარიშზე** არსებული ნაშთის **ანგარიშიდან** სრულად გატანა და/ან აცნობოს **ბანკს** სხვა კომერციულ ბანკში არსებული ალტერნატიული საბანკო რეკვიზიტების შესახებ რომელზეც **ბანკი** შეძლებს **კლიენტის** **ანგარიშზე** არსებული ნაშთის გადარიცხვას;
- 7.5.3. **ხელშეკრულება** ჩაითვლება სრულად შეწყვეტილად მას შემდეგ რაც **კლიენტის** მიერ სრულად შესრულდება **ბანკის** წინაშე არსებული ყველა (მათ შორის ფულადი) ვალდებულება;
- 7.5.4. **ბანკი** გათავისუფლდება **კლიენტის** წინაშე **ხელშეკრულებით** ნაკისრი ვალდებულებებისაგან.
- 7.6. **კლიენტის** მიერ ამ მუხლის 7.5.2 პუნქტებით ნაკისრი ვალდებულებების შეუსრულებლობის შემთხვევაში **ბანკი** უფლებამოსილია: (ა) **კლიენტის** დამატებითი თანხმობის გარეშე გადარიცხოს **ანგარიშზე** არსებული ნაშთი **კლიენტის** სხვა ბანკში ასევე **ანგარიშზე**, რომლის რეკვიზიტები **ბანკისთვის** ცნობილი გახდა **მომსახურების** გაწევისას ან საჯარო წყაროდან და/ან (ბ) გადაიტანოს **ანგარიშზე** არსებული ნაშთი **ბანკის** სატრანზიტო ანგარიშზე და/ან (გ) შეუზრუდოს **კლიენტს** **ანგარიშზე** წვდომა, საბანკო ოპერაციების წარმოება, უარი უთხრას ნებისმიერი **მომსახურების** გაწევაზე.
- 8. მხარეთა პასუხისმგებლობა**
- 8.1. **ბანკი** პასუხისმგებელია **კლიენტის** წინაშე მოქმედი კანონმდებლობის შესაბამისად **ანგარიშზე** ოპერაციების წარმოების სისწორისა და დროული შესრულებისათვის; მომსახურების განხორციელების დაყოვნებისათვის **ბანკს** არ ეკისრება პასუხისმგებლობა, თუ ეს მისი მიზეზით არ არის გამოწვეული, ან გამოწვეულია **კლიენტის** მიერ **ბანკისათვის** არასწორი ინფორმაციისა და/ან არასწორი ინფორმაციის შემცველი დოკუმენტის გადაცემით.
- 8.2. **კლიენტი** პასუხისმგებელია **ანგარიშის** გასახსნელად და მასზე ოპერაციების საწარმოებლად წარმოდგენილი ინფორმაციის და დოკუმენტების უტყუარობაზე.
- 8.3. **ბანკი** უფლებამოსილია შეაჩეროს საბანკო ოპერაციის შესრულება, თუ **ბანკის** შეფასებით ოპერაცია მიზნად ისახავს უკანონო შემოსავლების ლეგალიზაციას, კანონსაწინააღმდეგო ქმედების ან/და ტერორიზმსა და სხვა საერთაშორისო დანაშაულებში ბრალდებულ პირთა დაფინანსებას ან ეწინააღმდეგება **კანონმდებლობით** დადგენილ მოთხოვნებს.
- 9. კონფიდენციალურობა**
- 9.1. **მხარეები** ვალდებული არიან, წინამდებარე **ხელშეკრულების** ან/და მასთან დაკავშირებული სხვა დოკუმენტ(ებ)ის მოქმედების პერიოდში დაიცვან მეორე **მხარისგან** მიღებული ნებისმიერი სახის ინფორმაციის კონფიდენციალურობა.
- 9.2. კონფიდენციალურობის შესახებ ზემოაღნიშნული შეზღუდვა არ შეეხება ინფორმაციას:
- 9.2.1. რომელიც კანონმდებლობის დარღვევის გარეშე იყო ცნობილი ინფორმაციის მიმღები **მხარისათვის** მეორე **მხარის** მიერ შესაბამისი ინფორმაციის მიწოდებამდე;

- 9.2.2. რომლის გამჟღავნებაც მოხდება **მხარეთა** მიერ კანონმდებლობის მოთხოვნათა დაცვით და შესასრულებლად (მათ შორის, რომელიმე **მხარის** მიერ სასამართლო (მათ შორის, საარბიტრაჟო სასამართლო) წესით მისი უფლებების განსახორციელებლად);
- 9.2.3. რომლის კანონიერად მოპოვებაც შესაძლებელია სხვა წყაროებიდან;
- 9.2.4. რომელიც არის ან გახდება **მესამე პირ(ებ)ისათვის** ხელმისაწვდომი **მხარეთა** წერილობითი შეთანხმებით, ან მათგან დამოუკიდებლად.
- 9.3. წინამდებარე **ხელშეკრულებით კლიენტი ბანკს** ანიჭებს უპირობო და უვადო (მიუხედავად **ხელშეკრულების** მოქმედების ვადისა) უფლებას, ნებისმიერ დროს, ნებისმიერი, მათ შორის ახალი მომსახურების შეთავაზების, მიზნით, **კლიენტის** წინასწარი, დამატებითი ან შემდგომი თანხმობის ან აქცეპტის გარეშე:
- 9.3.1. მოკლე ტექსტური შეტყობინების, ელექტრონული ფოსტის და/ან სხვა ნებისმიერი საკომუნიკაციო საშუალების მეშვეობით მიაწოდოს **კლიენტის** სარეკლამო/მარკეტინგული ინფორმაცია და/ან კომერციული შეთავაზებები;
- 9.3.2. ინფორმაცია **კლიენტის** შესახებ გადასცეს თავის შვილობილ კომპანიებს ან სხვა აფილირებულ პირებს, მათ შორის, „სოსიეტე ჟენერალის“ ჯგუფში შემავალ ნებისმიერ კომპანიას, ასევე, ნებისმიერ **მესამე პირს**, რომელთანაც **ბანკი** თანამშრომლობს დაკრედიტების მიმართულებით, ასევე, **ბანკის** აუდიტორებს, კონსულტანტებს, მრჩეველებს და სხვა მსგავსი კატეგორიის ფიზიკურ ან იურიდიულ პირებს, იმ პირობით და იმის გათვალისწინებით, რომ ინფორმაციის მიმღები პირები დაიცავენ ზემოაღნიშნულ დებულებებს ინფორმაციის კონფიდენციალურობასთან დაკავშირებით;
- 9.3.3. საკუთარი შეხედულებისამებრ განსაზღვრული და სს „კრედიტინფო საქართველოსთან“ (საიდენტიფიკაციო კოდი: 204470740) ან ნებისმიერი სხვა, მსგავსი ფუნქციის მქონე დაწესებულებასთან შეთანხმებული წესით, ფორმით და ვადებში:
- 9.3.3.1. სს „კრედიტინფო საქართველოს“ ან ნებისმიერ სხვა, მსგავსი ფუნქციის მქონე დაწესებულებას, რომელიც შეიძლება ფუნქციონირებდეს ან დაარსდეს საქართველოს ან ნებისმიერი სხვა ქვეყნის იურისდიქციის ქვეშ, მიაწოდოს ინფორმაცია **კლიენტის** შესახებ, რომელიც სხვა ინფორმაციასთან ერთად, ყოველგვარი შეზღუდვის გარეშე, მოიცავს: **კლიენტის** საიდენტიფიკაციო მონაცემებს, აგრეთვე, მისი მსხვილი აქციონერებისა/დამფუძნებლების და წარმომადგენლობაზე უფლებამოსილი პირების სახელებსა და საიდენტიფიკაციო მონაცემებს, მიმდინარე ვალის (ვალდებულების) წარმოშობის საფუძველს, მოცულობას, მიზნობრიობას, დარიცხულ საპროცენტო სარგებელს, მოქმედების ვადას, **კლიენტის** მიერ საბანკო პროდუქტებთან დაკავშირებული გადახდების დროულობას, დავალიანების ნაშთს, ხოლო სასამართლო (მათ შორის, საარბიტრაჟო სასამართლო) დავის არსებობის შემთხვევაში - სასამართლო (მათ შორის, საარბიტრაჟო სასამართლო) სამართალწარმოების და სააღსრულებო წარმოების შედეგებს;
- 9.3.3.2. მისცეს თანხმობა სს „კრედიტინფო საქართველოს“ ან ნებისმიერ სხვა, მსგავსი ფუნქციის მქონე დაწესებულებას, რომ **ბანკის** მიერ სს „კრედიტინფო საქართველოსთვის“ ან ნებისმიერი სხვა, მსგავსი ფუნქციის მქონე დაწესებულებისთვის მიწოდებული **კლიენტის** მონაცემები ამ დაწესებულებებმა გადასცენ **მესამე პირებს** იმ პირობით, რომ **კლიენტის** მონაცემებს **ბანკი** მიაწოდებს იმ პირებს, რომლებიც თავადაც აწვდიან სს „კრედიტინფო საქართველოს“ ან ნებისმიერ სხვა, მსგავსი ფუნქციის მქონე დაწესებულებას აღნიშნული ხასიათის მონაცემებს და რომელთაც ამ დაწესებულებებთან გაფორმებული აქვთ შესაბამისი ხელშეკრულება;
- 9.3.3.3. მოიძიოს, მიიღოს და გამოიყენოს სს „კრედიტინფო საქართველოს“ ან ნებისმიერი სხვა, მსგავსი ფუნქციის მქონე დაწესებულების მონაცემთა ბაზაში არსებული მონაცემები **კლიენტის** შესახებ;
- 9.3.4. მიაწოდოს **უზრუნველყოფის** საგნის მესაკუთრეს და/ან თავდებ პირს ინფორმაცია **კლიენტის** ვალდებულებებისა და მათი შესრულების შესახებ.
- 9.3.5. ნებისმიერი რეესტრიდან და/ან სხვა იდენტური ან მსგავსი ფუნქციის მქონე ნებისმიერი დაწესებულებიდან (კერძო ან საჯარო) გამოითხოვოს, მიიღოს და შეინახოს დაცული ინფორმაცია (მათ შორის, პერსონალური მონაცემები და საიდენტიფიკაციო დოკუმენტები) **კლიენტის** შესახებ და აღნიშნული ინფორმაციის მონაცემთა ბაზები (მათ შორის, ელექტრონული ბაზები), ასევე, შეასრულოს ყველა საჭირო მოქმედება და/ან პროცედურა, რაც დაკავშირებულია ზემოაღნიშნული უფლებამოსილების განხორციელებასთან;
- 9.4. **კლიენტი** უფლებამოსილებას ანიჭებს **ბანკს**, მიიღოს მისი (**კლიენტის**) პერსონალური მონაცემების შესახებ ინფორმაცია სერვისების განვითარების სააგენტოდან. **ბანკი** ვალდებულია, არ დაუშვას სამოქალაქო რეესტრიდან მიღებული პერსონალური მონაცემების შესახებ ინფორმაციის გადაცემა **მესამე პირისთვის**, გარდა კანონმდებლობით გათვალისწინებული შემთხვევებისა;
- 9.5. **კლიენტის** მიერ **ხელშეკრულების**, აგრეთვე **ბანკთან** დადებული ნებისმიერი გარიგების შეუსრულებლობით ან არაჯეროვანი შესრულების შედეგად **ბანკის** უფლებების განხორციელების მიზნით **კლიენტი** უფლებამოსილებას ანიჭებს **ბანკს**, **მესამე პირებს** მიაწოდოს ინფორმაცია.
- 9.6. ამ მუხლით გათვალისწინებული ინფორმაციის მოპოვების ხარჯი ეკისრება **კლიენტს**.

10. შეტყობინებები

10.1. ნებისმიერი შეტყობინება ხორციელდება წერილობით, ან ამ პირობებით გათვალისწინებული სხვა ფორმით. წერილობითი შეტყობინება **მხარეს** უნდა გადაეცეს შეტყობინების გამგზავნისთვის ცნობილ ბოლო მისამართზე. **ბანკს** შეუძლია შეტყობინებისთვის გამოიყენოს კომუნიკაციის სხვა საშუალებებიც (მათ შორის ელექტრონული, ციფრული, სატელეფონო და სხვა):

10.1.1. **მხარეები** თანხმდებიან, რომ **კლიენტის** მიერ გაცხადებულ ელექტრონული ფოსტის მისამართზე, რომელიც მითითებულია (ა) წინამდებარე **პირობებში**, **განაცხადში** და/ან (ბ) **კლიენტის** მიერ **ბანკისათვის** მიწოდებულ/წარდგენილ ნებისმიერ დოკუმენტში და/ან (გ) ნებისმიერ საჯარო წყაროში, გაგზავნილი ელექტრონული შეტყობინება, ითვლება **კლიენტისთვის** ოფიციალურად ჩაბარებულ შეტყობინებად;

10.1.2. თუ **მხარეს** შეტყობინება ეგზავნება ელექტრონული ფოსტის მისამართზე, მიღება (**მხარისათვის** ჩაბარება) უნდა დადასტურდეს შესაბამისი ტექნიკური საშუალების ამონაწერით ან/და შესაბამისი ტექნიკური საშუალებით მოწოდებული დადასტურებით. **კლიენტი** აცხადებს თანხმობას, რომ წინამდებარე **პირობების** 10.1.1. ქვეპუნქტში განსაზღვრულ ელექტრონული ფოსტის მისამართზე გაგზავნილი ელექტრონული შეტყობინება (თუ მიღება (**მხარისათვის** ჩაბარება) დასტურდება შესაბამისი ტექნიკური საშუალების ამონაწერით ან/და შესაბამისი ტექნიკური საშუალებით მოწოდებული დადასტურებით), მისთვის ჩაბარებულად ითვლება;

10.1.3. შეტყობინება მიღებულად/ჩაბარებულად ითვლება იმ შემთხვევაშიც, თუ შეტყობინების გამგზავნ **მხარეს** შეტყობინება დაუბრუნდება გაგზავნილ მისამართზე შეტყობინების ადრესატის ადგილსამყოფელის არარსებობის გამო, ადრესატი უარს განაცხადებს შეტყობინების მიღებაზე ან თავს აარიდებს მის მიღებას;

10.1.4. შეტყობინება ასევე მიღებულად/ჩაბარებულად ითვლება კანონმდებლობით განსაზღვრული ნებისმიერი ფორმითა და საშუალებით გაგზავნისა და ჩაბარების შემთხვევაშიც.

11. დავების გადაწყვეტის წესი

11.1. **მხარეები** თანხმდებიან, რომ ამ წინამდებარე **პირობებიდან** და/ან მასთან დაკავშირებული სხვა დოკუმენტ(ებ)იდან გამომდინარე ნებისმიერი დავა, განსახილველად და საბოლოოდ გადასაწყვეტად გადაეცემა სასამართლოს, თუ დავის საგნის ჯამური (საერთო) ღირებულება ნაკლებია 7 000 (შვიდი ათასი) ლარზე და/ან მეტია 300 000 (სამასი ათასი) ლარზე ან ეკვივალენტზე უცხოურ ვალუტაში (სარჩელის წარდგენის თარიღისათვის საქართველოს ეროვნული ბანკის მიერ დადგენილი ოფიციალური გაცვლითი კურსის შესაბამისად). **მხარეები** თანხმდებიან, რომ საქართველოს სამოქალაქო საპროცესო კოდექსის 268-ე მუხლის ¹ ნაწილის შესაბამისად, ამ ხელშეკრულებიდან (შეთანხმებიდან) გამომდინარე დავასთან დაკავშირებული **ბანკის** სარჩელის დაკმაყოფილების შემთხვევაში, პირველი ინსტანციის სასამართლოს მიერ მიღებული გადაწყვეტილება, მიქცეულ იქნეს დაუყოვნებლივ აღსასრულებლად.

11.2. **მხარეები** თანხმდებიან, რომ წინამდებარე **პირობებიდან** და/ან მასთან დაკავშირებული სხვა დოკუმენტ(ებ)იდან გამომდინარე ნებისმიერი დავა განსახილველად და საბოლოოდ გადასაწყვეტად გადაეცემა არბიტრაჟს, თუ დავის საგნის ჯამური (საერთო) ღირებულება მეტია 7 000 (შვიდი ათასი) ლარზე და/ან ნაკლებია 300 000 (სამასი ათასი) ლარზე ან ეკვივალენტზე უცხოურ ვალუტაში (სარჩელის წარდგენის თარიღისათვის საქართველოს ეროვნული ბანკის მიერ დადგენილი ოფიციალური გაცვლითი კურსის შესაბამისად). არბიტრაჟს დავა განსახილველად და საბოლოოდ გადასაწყვეტად გადაეცემა შემდეგი წესით: 1) 7 000 (შვიდი ათასი) ლარიდან 50 000 (ორმოცდაათი ათასი) ლარამდე - მუდმივმოქმედ არბიტრაჟს "მორავი" (საიდენტიფიკაციო კოდი: 404379347); 2) 50 000 (ორმოცდაათი ათასი) ლარიდან 150 000 (ასორმოცდაათი ათასი) ლარამდე - მუდმივმოქმედ არბიტრაჟს "დავების განხილველი ცენტრი" (DRC) (საიდენტიფიკაციო კოდი: 204547348); 3) 150 000 (ასორმოცდაათი ათასი) ლარიდან 300 000 (სამასი ათასი) ლარამდე - მუდმივმოქმედ არბიტრაჟს „თბილისის საარბიტრაჟო ინსტიტუტი“ (საიდენტიფიკაციო კოდი: 205273005). იმ შემთხვევაში, თუ საარბიტრაჟო სარჩელის (პრეტენზიის) წარდგენის მომენტში, ზემოხსენებულ არბიტრაჟთანაგან რომელიმე იქნება ლიკვიდირებული ან მას შეჩერებული/შეწყვეტილი ექნება ფუნქციონირება, დავა განსახილველად და საბოლოოდ გადასაწყვეტად გადაეცემა სასამართლოს.

11.3. **მხარეები** თანხმდებიან და ადგენენ საარბიტრაჟო წარმოების წესებს და პროცედურებს ქვემოთ მოყვანილი პირობების (საარბიტრაჟო დათქმა-შეთანხმება) შესაბამისად. საარბიტრაჟო წარმოების წესები და პროცედურები განისაზღვრება მუდმივმოქმედი საარბიტრაჟო დაწესებულების დებულების შესაბამისად, თუ წინამდებარე შეთანხმებით სხვა წესები და პროცედურები არ არის განსაზღვრული ან წინამდებარე შეთანხმება არ ადგენს მუდმივმოქმედი საარბიტრაჟო დაწესებულების დებულებისაგან განსხვავებულ ან/და დამატებით წესებს და პროცედურებს. ამასთან, გამოიყენება მუდმივმოქმედი საარბიტრაჟო დაწესებულების დებულების ის რედაქცია, რომელიც მოქმედებს საარბიტრაჟო სარჩელის მიღების თარიღისათვის. საარბიტრაჟო დავ(ებ)ის განხილვის ადგილი არის ქალაქი თბილისი, არბიტრაჟი დავას გადაწყვეტს საქართველოს კანონმდებლობით მოქმედი სამართლის ნორმების შესაბამისად და საარბიტრაჟო განხილვა წარმოებს ქართულ ენაზე. მუდმივმოქმედი საარბიტრაჟო დაწესებულება დავას განიხილავს ერთი არბიტრის შემადგენლობით. **მხარეები** თანხმდებიან, რომ არბიტრის დანიშვნის უფლება გააჩნია ერთპიროვნულად **ბანკს**. **ბანკი** არბიტრს ნიშნავს მუდმივმოქმედი საარბიტრაჟო დაწესებულების მიერ საარბიტრაჟო სარჩელის წარმოებაში მიღებიდან 3 (სამი) **დღის** ვადაში. დანიშნული არბიტრი სავალდებულოდ უნდა იყოს საქართველოს მოქალაქე, უმაღლესი

ურიდიული განათლების მქონე პირი, 2 (ორი) წლის გამოცდილებით საბანკო სფეროში. თუ დავის საგნის ღირებულება არ აღემატება 20 000 (ოცი ათასი) ლარს ან მის ეკვივალენტს საარბიტრაჟო სარჩელის წარდგენის თარიღისათვის საქართველოს ეროვნული ბანკის მიერ დადგენილი ოფიციალური გაცვლითი კურსის შესაბამისად უცხოურ ვალუტაში, არბიტრაჟი დავას განიხილავს მხარეთა ზეპირი მოხმენის გარეშე (საარბიტრაჟო განხილვის ფორმა), მუდმივმოქმედი საარბიტრაჟო დაწესებულების დებულების შესაბამისად. იმ შემთხვევაში თუ ბანკი არ დანიშნავს არბიტრს ამ შეთანხმებით გათვალისწინებულ ვადაში, ჩაითვლება რომ ის უარს ამბობს ისარგებლოს არბიტრის უშუალოდ დანიშვნის უფლებით. ასეთ შემთხვევაში მხარეები წინასწარ თანხმდებიან, რომ არბიტრის დანიშვნის უფლება გადაეცემა მუდმივმოქმედ საარბიტრაჟო დაწესებულებას და მუდმივმოქმედი საარბიტრაჟო დაწესებულება არბიტრს ნიშნავს ბანკის მიერ არბიტრის დანიშვნის ვადის გაშვებიდან 3 (სამი) დღის განმავლობაში. საარბიტრაჟო განხილვის დაწყებამდე ან განხილვის ნებისმიერ სტადიაზე, საბოლოო საარბიტრაჟო გადაწყვეტილების გამოტანამდე, მხარეს შეუძლია შუამდგომლობით მიმართოს მუდმივმოქმედ საარბიტრაჟო დაწესებულებას, ხოლო არბიტრაჟის ფორმირების შემდეგ – არბიტრაჟს, საარბიტრაჟო სარჩელის უზრუნველყოფის ღონისძიებების გამოყენების შესახებ. მუდმივმოქმედი საარბიტრაჟო დაწესებულების (ან არბიტრაჟის) მიერ გამოყენებულ საარბიტრაჟო სარჩელის უზრუნველყოფის ღონისძიებებს აქვთ სავალდებულო ძალა და იგი უნდა აღსრულდეს არბიტრაჟის მიერ გაცემული სააღსრულებო ფურცლის საფუძველზე. მხარეები თანხმდებიან, რომ საარბიტრაჟო სარჩელის უზრუნველყოფის ღონისძიება(ებ)ს აქვს (აქვთ) სავალდებულო იურიდიული ძალა მხარის მიერ მის ცნობისა და აღსრულებისათვის სასამართლოსათვის მიმართვის გარეშე. თუ მუდმივმოქმედი საარბიტრაჟო დაწესებულების დებულებით ან/და კანონმდებლობით არ არის განსაზღვრული, არბიტრაჟის გადაწყვეტილების გამოტანასთან დაკავშირებული პროცედურული საკითხების გადაწყვეტის უფლებამოსილება ენიჭება საარბიტრაჟო სასამართლოს თავმჯდომარეს. საარბიტრაჟო გადაწყვეტილება ძალაში შედის მისი გამოტანის მომენტიდან და არ არის აუცილებელი შეიცავდეს სამოტივაციო ნაწილს.

- 11.4. **მხარეები** თანხმდებიან, რომ კომუნიკაცია მათსა და სასამართლოს ან/და მათსა და საარბიტრაჟო დაწესებულებას ან/და მათსა და არბიტრებს შორის წარმოებს წერილობით, მათ შორის ელექტრონული ფოსტის საშუალებით (ელექტრონული ფორმით). **მხარეები** თანხმდებიან, რომ წინამდებარე **პირობებიდან** და/ან მათთან დაკავშირებული სხვა დოკუმენტ(ებ)იდან გამომდინარე, ნებისმიერი ოფიციალური შეტყობინება, მათ შორის **მომსახურების** მიღებაზე უარის თქმის, **პირობების** შეწყვეტის ან/და ვალდებულების შესრულებისათვის დამატებითი ვადის განსაზღვრის, აგრეთვე საპროცენტო განაკვეთის **ბანკის** მიერ ცალმხრივად გაზრდის შესახებ განხორციელებულად ჩაითვლება, თუ **მხარეს** ჩაბარდება წერილობით, მათ შორის ელექტრონული ფორმით წინამდებარე **პირობების**, **განაცხადის** ან **კლიენტთან** დადებული დამატებითი ხელშეკრულების რეკვიზიტების ნაწილში განსაზღვრულ ელექტრონული ფოსტის მისამართზე. **კლიენტი** აცხადებს თანხმობას, რომ სასამართლომ ან არბიტრაჟმა (არბიტრმა) მისი დაბარება, მისთვის უწყების ჩაბარება, მისთვის სასამართლო ან საარბიტრაჟო საქმისწარმოების დოკუმენტაციების გადაცემა, მისთვის გადაწყვეტილების (განჩინების)/საარბიტრაჟო გადაწყვეტილების ჩაბარება განახორციელოს წერილობით, მათ შორის ელექტრონული ფოსტის საშუალებით წინამდებარე ხელშეკრულების ფარგლებში გაფორმებული ხელშეკრულების რეკვიზიტების ნაწილში განსაზღვრულ ელექტრონული ფოსტის მისამართზე. თუ **მხარეს** შეტყობინება ეგზავნება ელექტრონული ფორმით **პირობების**, **განაცხადის** ან **კლიენტთან** დადებული დამატებითი ხელშეკრულების რეკვიზიტების ნაწილში მითითებულ ელექტრონულ ფოსტის მისამართზე, მიღება (**მხარისათვის** ჩაბარება) უნდა დადასტურდეს შესაბამისი ტექნიკური საშუალების ამონაწერით ან/და შესაბამისი ტექნიკური საშუალებით მოწოდებული დადასტურებით. **კლიენტი** აცხადებს თანხმობას, რომ **პირობების**, **განაცხადის** ან **კლიენტთან** დადებული დამატებითი ხელშეკრულების რეკვიზიტების ნაწილში განსაზღვრულ ელექტრონული ფოსტის მისამართზე ელექტრონული ფოსტის საშუალებით განთავსებული შეტყობინება (თუ მიღება (**მხარისათვის** ჩაბარება) დასტურდება შესაბამისი ტექნიკური საშუალების ამონაწერით ან/და შესაბამისი ტექნიკური საშუალებით მოწოდებული დადასტურებით) მისთვის ჩაბარებულად ითვლება.

12. დასკვნითი დებულებები

- 12.1. **პირობებს** (მისი **დანართების** გამოკლებით) და **პირობების დანართებს**, შორის შეუსაბამობის შემთხვევაში უპირატესობა მიენიჭება ჯერ **დანართებს**, შემდგომ **პირობებს** (მისი **დანართების** გამოკლებით).
- 12.2. **მხარეები** ადასტურებენ, რომ **პირობების** შინაარსი ზუსტად გამოხატავს **მხარეთა** ნებას და რომ მათ მიერ ნების გამოვლენა მოხდა პირობების შინაარსის გონივრული განსჯის შედეგად და არა მარტოდენ სიტყვა-სიტყვითი მნიშვნელობიდან.
- 12.3. **მხარეები** თანხმდებიან და **კლიენტი** აცნობიერებს, რომ ამ **პირობებით** გათვალისწინებული ვალდებულებების შეუსრულებლობისათვის **ბანკს** არ დაეკისრება პასუხისმგებლობა, თუ ვალდებულებების შეუსრულებლობა გამოწვეულია დაუძლეველი ძალის (მათ შორის **ბანკისათვის** და/ან **კლიენტისათვის** მომსახურების გამწევი **მესამე პირების** ბრალეულობით) ზემოქმედებით, აგრეთვე, ვალდებულებების შესრულებას ხელს უშლის **კანონმდებლობით** და/ან **საერთაშორისო საგადახდო სისტემის** მიერ დადგენილი წესები/მოთხოვნები.
- 12.4. ნებისმიერი და ყოველი უფლება, რომელიც მიენიჭება **მხარეს** მეორე **მხარის** მიერ **პირობების** და/ან კანონმდებლობის სრულად ან ნაწილობრივ დარღვევის შედეგად, კრებითია და დაემატება **პირობებით** და/ან კანონმდებლობით მინიჭებულ ყველა სხვა უფლებას.

- 12.5. ერთ-ერთი **მხარის** მხრიდან **ხელშეკრულების** და/ან **კანონმდებლობის** სრულად ან ნაწილობრივ დარღვევასთან დაკავშირებით მეორე **მხარის** მიერ მისთვის მინიჭებული უფლებების გამოუყენებლობა არ გავრცელდება **პირობების** და/ან **კანონმდებლობის** ნებისმიერ შემდგომ დარღვევაზე.
- 12.6. **პირობებში** მხოლოდით რიცხვში გამოყენებული სიტყვები გულისხმობს მრავლობითს და პირიქით.
- 12.7. **პირობების** მუხლები, პუნქტები და/ან ქვეპუნქტები დანომრილია და დასათაურებულია მხოლოდ მითითების მოხერხებულობისათვის და ამ ფაქტს მათი ინტერპრეტაციისათვის მნიშვნელობა არ ენიჭება.
- 12.8. **პირობებით** თითოეული **მხარის** მიერ წარმოშობილი ვალდებულებები ვრცელდება და სავალდებულოა **მხარეთა** უფლებამონაცვლების თუ მემკვიდრეებისათვის/ სამართალმემკვიდრეებისათვის.
- 12.9. **კლიენტს** უფლება არ აქვს, **ბანკის** წინასწარი წერილობითი თანხმობის გარეშე **მესამე პირს** გადასცეს ან გადააბაროს მასზე **პირობებით** ნაკისრი ნებისმიერი ვალდებულება ან მინიჭებული უფლება. ამასთან, ეს დებულება არ გულისხმობს დათქმას, რომ **კლიენტმა** პირადად უნდა შეასრულოს ვალდებულებები და არ გამოიციხავს **ბანკის** უფლებას, მიიღოს **მესამე პირისაგან** შემოთავაზებული შესრულება, მიუხედავად იმისა, თანახმაა თუ არა **კლიენტი**.
- 12.10. **ბანკს** უფლება აქვს, **კლიენტის** თანხმობის გარეშე, **მესამე პირს** მთლიანად ან ნაწილობრივ გადასცეს წინამდებარე **პირობებით** შეძენილი ნებისმიერი უფლება და/ან ვალდებულება.
- 12.11. იმ შემთხვევებში, რომლებიც არ არის გათვალისწინებული წინამდებარე **პირობებით**, **მხარეები** იხელმძღვანელებენ საქართველოს კანონმდებლობით დადგენილი შესაბამისი ურთიერთობის მარეგულირებელი ნორმებით და/ან დამატებით შეთანხმებული პირობებით.
- 12.12. **პირობები** შედგენილია ქართულ ენაზე. იმ შემთხვევაში, თუ არსებობს **პირობების** არაქართულენოვანი ვერსია და ქართულ და არაქართულ ვერსიებს შორის აღმოჩნდება წინააღმდეგობა/შეუსაბამობა, უპირატესობა მიენიჭება **პირობების** ქართულ ვერსიას.

დანართი #1
მიმდინარე საბანკო ანგარიში

- 1.1. **ბანკი კლიენტს** უხსნის მიმდინარე **ანგარიშ(ებ)ს** (მიმდინარე ანგარიში შეიძლება იყოს ასევე **მულტისავალუტო ანგარიში**) და უწევს მას **მომსახურებას** წინამდებარე პირობებით გათვალისწინებული წესით.
- 1.2. **კლიენტს** შეუძლია ჰქონდეს რამდენიმე **ანგარიში**.
- 1.3. **ბანკი** უფლებამოსილია **კლიენტს** გაუხსნას დამატებითი **ანგარიში** წერილობითი **განაცხადის** გარეშე, დისტანციურად - შესაბამისი სატელეფონო კომუნიკაციის გზით, ელექტრონული ფოსტით გაგზავნილი შეტყობინების და/ან **ბანკისათვის** მისაღები სხვა ფორმის, მათ შორის **ინტერნეტბანკით** მიღებული შეტყობინების **ბანკისათვის** მიწოდებით. ამასთან, ამგვარი სატელეკომუნიკაციო საშუალებებით მიღებული **განაცხადის** შემთხვევაში **ბანკი** უფლებამოსილია დააწესოს დამატებითი ვადა და/ან მოითხოვოს დამატებითი საბუთები **ანგარიშის** გასახსნელად.
- 1.4. **ბანკი** ვალდებულია, დროულად და **კლიენტის** მიერ წარმოდგენილი ინფორმაციის ზუსტი დაცვით აწარმოოს საბანკო ოპერაციები და მათი წარმოებისას დაიცვას ამ **პირობების** და **კანონმდებლობის** მოთხოვნები. ამასთან, **ბანკი** უფლებამოსილია, უარი თქვას **კლიენტის** დავალების შესრულებაზე იმ შემთხვევაში, თუ აღნიშნული გათვალისწინებულია **კანონმდებლობით** ან **კლიენტს** აქვს ვადამოსული ფულადი ვალდებულება **ბანკის** მიმართ და **კლიენტის** ფულადი სახსრები მიმართოს ამგვარი ვადამოსული ვალდებულების შესასრულებლად.
- 1.5. **ბანკი** ვალდებულია, **კლიენტის** მოთხოვნით და იმ პირობით, რომ **კლიენტი** გადაიხდის შესაბამის **საკომისიოს/საკომისიოებს** (ამგვარის არსებობის შემთხვევაში), მიაწოდოს მას ამონაწერი **ანგარიშიდან** ან/და ნებისმიერი სხვა ინფორმაცია **ანგარიშის** და **ანგარიშზე** განხორციელებული ოპერაციების შესახებ, თუ აღნიშნული არ ეწინააღმდეგება **კანონმდებლობის** მოთხოვნებს.
- 1.6. **ბანკს** უფლება აქვს, **კლიენტის** დავალებით (**კანონმდებლობით** გათვალისწინებულ შემთხვევაში **კლიენტის** დავალების გარეშე, მათ შორის, საინკასო დავალების შესრულებისას) ჩამოწეროს შესაბამისი თანხები **ანგარიშიდან** კრედიტორების (მათ შორის **ბანკის**) ანგარიშზე მათი ჩარიცხვის მიზნით, აგრეთვე, **კანონმდებლობის** შესაბამისად განახორციელოს სხვა ოპერაციები **ანგარიშზე**.
- 1.7. **ბანკს** უფლება აქვს, მოსთხოვოს **კლიენტს ანგარიშზე** ოპერაციის განხორციელების ეკონომიკური დასაბუთება და ოპერაციასთან დაკავშირებული ნებისმიერი სხვა სახის ინფორმაცია და/ან დოკუმენტი, ხოლო **კლიენტი** ვალდებულია, **ბანკის** მოთხოვნისთანავე მიაწოდოს მას საბანკო ოპერაციის ეკონომიკურ დასაბუთებასთან დაკავშირებული ნებისმიერი სახის ინფორმაცია და დოკუმენტი.
- 1.8. **ბანკს** უფლება აქვს, **კლიენტის** მიერ ამ **დანართი #1-ის** 1.7 და/ან 1.12 პუნქტით გათვალისწინებული ვალდებულებების შესრულებლობის შემთხვევაში, არ შეასრულოს **კლიენტის** მოთხოვნა სალაროში თანხის განაღდება შესახებ ან შეასრულოს მხოლოდ მომდევნო **საბანკო დღეს**.
- 1.9. **კლიენტი** ვალდებულია, გადაუხადოს **ბანკს საკომისიო** (ამგვარის არსებობის შემთხვევაში) **ანგარიშზე** ოპერაცი(ებ)ის წარმოებისათვის **ბანკის** მიერ დადგენილი ტარიფების შესაბამისად. ტარიფები განთავსებულია და ხელმისაწვდომია **ვებგვერდზე** და/ან **ბანკის** ფილიალებსა და სერვის ცენტრებში.
- 1.10. **ბანკი** უფლებამოსილია, ნებისმიერ დროს ცალმხრივად შეცვალოს **ხელშეკრულებით** გათვალისწინებული წესები და/ან ნებისმიერი **შემადგენელი დოკუმენტით** (ასეთის არსებობის შემთხვევაში) დადგენილი წესები და პირობები იმ მიზნით, რომ იგი (ისინი) შეესაბამებოდეს **ბანკში** დადგენილ ახალ წესებს, შეცვლილ საბაზრო პირობებს, საბანკო პრაქტიკასა და **კანონმდებლობას**. ამასთან, ნებისმიერი ასეთი ცვლილების შესახებ **ბანკი** საჯაროდ გაავრცელებს შესაბამის ინფორმაციას (**ვებგვერდზე** და/ან **ბანკის** ფილიალებში/სერვისცენტრებში ინფორმაციის განთავსებით ან ინფორმაციის სხვა ფორმით გავრცელების გზით).
- 1.11. **ანგარიშზე** თანხის შეცდომით ჩარიცხვის შესახებ ინფორმაციის მიღებიდან 1 (ერთი) **დღის** ვადაში **კლიენტი** ვალდებულია, შეატყობინოს **ბანკს** შეცდომით ჩარიცხული თანხის შესახებ და აღნიშნული თანხა უკანვე დაუბრუნოს მას. ხოლო ამ ვალდებულების შესრულებლობისას გადაუხადოს **ბანკს** ჯარიმა – შეცდომით ჩარიცხული თანხის 0.5%-ის ოდენობით ყოველი ვადაგადაცილებული **დღისათვის**.
- 1.12. **კლიენტი** ვალდებულია, სალაროდან თანხის განაღდება შემთხვევაში განაღდებადგე არანაკლებ 24 საათით ადრე **ბანკისათვის** მისაღები ფორმით შეატყობინოს **ბანკის** შესაბამის ფილიალს:
 - ა) თუ ცენტრალური ფილიალის სალაროდან გასანაღდებადგე თანხა აღემატება 100,000 (ასი ათასი) ლარს ან მის ეკვივალენტს სხვა ვალუტით;
 - ბ) თუ ბათუმის, ქუთაისის, ზუგდიდის, დელისის ან გლდანის ფილიალების სალაროდან გასანაღდებადგე თანხა აღემატება 70,000 (სამოცდაათი ათასი) ლარს ან მის ეკვივალენტს სხვა ვალუტით;
 - გ) თუ ყველა სხვა ფილიალის ან სერვისცენტრის სალაროდან გასანაღდებადგე თანხა აღემატება 30,000 (ოცდაათი ათასი) ლარს ან მის ეკვივალენტს სხვა ვალუტით.
- 1.13. **კლიენტი** ვალდებულია, **ბანკს** მისცეს მხოლოდ იმგვარი დავალებები **ანგარიშზე** ოპერაციების საწარმოებლად, რომლებიც არ არის **კანონმდებლობით** აკრძალული და/ან მიზნად არ ისახავს უკანონო შემოსავლების ლეგალიზაციას ან კანონსაწინააღმდეგო ქმედების, მათ შორის, ტერორიზმის დაფინანსებას.
- 1.14. **ბანკი კლიენტის** დავალებას შესასრულებლად მიიღებს მხოლოდ იმ შემთხვევაში თუ **კლიენტის** დავალებაზე დატანილი ხელმოწერა ედრება **ხელმოწერის ნიმუშს**, ხოლო **ბეჭდით** დაუმოწმებელი დავალებები შესასრულებლად მიიღება მხოლოდ იმ შემთხვევაში, თუ **კლიენტის** მიერ **ბანკისთვის** წარდგენილ ხელმოწერათა ნიმუშებიან ბარათში არ არის დაფიქსირებული **ბეჭდი**.

- 1.15. კლიენტს უფლება აქვს, **კანონმდებლობით** გათვალისწინებული წესით **მესამე პირებზე** გასცეს მინდობილობა **ანგარიშებზე** ოპერაციების საწარმოებლად.
- 1.16. თუ **კანონმდებლობით** სხვაგვარად არ არის განსაზღვრული, **კლიენტს** უფლება აქვს, ისარგებლოს **ბანკის** მიერ შეთავაზებული მომსახურების დამატებითი ტიპებით.
- 1.17. **პირობებიდან**, აგრეთვე, სხვა საბანკო პროდუქტებიდან, მათ შორის, კრედიტით სარგებლობიდან გამომდინარე ნებისმიერი გადახდა **ნაღდი ანგარიშსწორების** შემთხვევაში **კლიენტმა** უნდა განახორციელოს **ბანკის სამუშაო საათებში** (თუ **ბანკის** მიერ სხვაგვარად არ იქნება განსაზღვრული). ამასთანავე, აღნიშნული არ წარმოშობს **ბანკის** ვალდებულებას, ამგვარი დავალება შეასრულოს **ბანკის სამუშაო საათების** დასრულებამდე. **ბანკის არასამუშაო დღეს** და/ან **ბანკის არასამუშაო საათებში** და/ან **საოპერაციო დღის** დასრულების შემდგომ განხორციელებული ნებისმიერი გადახდა - გადახდილად მიიჩნევა მომდევნო **სამუშაო დღეს**. აღნიშნული წესი ვრცელდება იმ შემთხვევაშიც, თუ გადახდა განხორციელდება **ბანკის 24-საათიან სერვისცენტრში**.
- 1.18. **პირობებიდან**, აგრეთვე, სხვა საბანკო პროდუქტებიდან, მათ შორის, კრედიტით სარგებლობიდან გამომდინარე ნებისმიერი გადახდა **უნაღდო ანგარიშსწორების ფორმით**, მათ შორის, ინტერნეტბანკის გამოყენებით, **კლიენტმა** უნდა განახორციელოს **საოპერაციო დღის** განმავლობაში (თუ **ბანკის** მიერ სხვაგვარად არ იქნება განსაზღვრული). ამასთან, აღნიშნული არ წარმოშობს **ბანკის** ვალდებულებას, ამგვარი დავალება შეასრულოს **საოპერაციო დღის** დასრულებამდე. **ბანკის არასამუშაო დღეს** და/ან **საოპერაციო დღის** დასრულების შემდგომ განხორციელებული ნებისმიერი გადახდა გადახდილად მიიჩნევა მომდევნო **საბანკო დღეს**. ამასთან, თუ **ბანკის** მიერ სხვაგვარად არ იქნება განსაზღვრული, **საოპერაციო დღის** განმავლობაში უნაღდო ანგარიშსწორების ფორმით, მათ შორის, **ინტერნეტბანკით** განსახორციელებელი გადარიცხვები **ბანკის** მიერ შესრულდება (გადარიცხება) არაუგვიანეს მომდევნო **საბანკო დღის** დასრულებისა.
- 1.19. **ბანკი** უფლებამოსილია დახუროს **კლიენტის** ანგარიში **კლიენტის** მიერ **პირობებით** ნაკისრი ვალდებულების დარღვევის, **ანგარიშზე 6** (ექვსი) თვის განმავლობაში ნაშთის არარსებობის ან/და **ანგარიშის** მეშვეობით ოპერაციების განუხორციელებლობის შემთხვევაში (ამ პუნქტის მიზნებისთვის ოპერაციის განხორციელებად არ ჩაითვლება **საკომისიოს** გადარიცხვა/ჩამოწერა **კლიენტის ანგარიშიდან**). **ბანკში კლიენტს** ანგარიში ასევე დაეხურება საქართველოს კანონმდებლობით გათვალისწინებულ სხვა შემთხვევებში. **ანგარიშის** დახურვის შემთხვევაში **კლიენტს** დაუბრუნდება შესაბამის **ანგარიშზე** რიცხული თანხა.
- 1.20. თუ **კლიენტს** აღარ სურს, ისარგებლოს რომელიმე ან ყველა **ანგარიშით** მან შესაბამისი განცხადებით უნდა მიმართოს **ბანკს**. ამასთან, გარდა წერილობითი **განაცხადისა კლიენტის** მიერ **განაცხადი** შეიძლება იქნეს გაკეთებული დისტანციურად შესაბამისი სატელეფონო კომუნიკაციის, ელექტრონული ფოსტით გაგზავნილი შეტყობინების და/ან **ბანკისათვის** მისაღები სხვა ფორმის შეტყობინების **ბანკისათვის** ჩაბარებით. **ბანკის** მიერ შესაძლოა განისაზღვროს დამატებითი ვადა და/ან პირობები **ანგარიშის** დახურვისთვის.

დანართი #2
ინტერნეტბანკი

1.1. წინამდებარე დანართის მიზნებისათვის ქვემოთ მოყვანილ ტერმინებს აქვს შემდეგი მნიშვნელობა:

ნებადართული ანგარიშ(ებ)ი	ანგარიშები , რომლებზეც კლიენტს და/ან ავტორიზებულ პირებს აქვთ წვდომის უფლება
ავტორიზაცია	კლიენტის და/ან ავტორიზებული პირის მიერ ინტერნეტბანკის მეშვეობით ინიცირებული ოპერაციისათვის მსვლელობის მიცემა ბანკის საოპერაციო სისტემაში, რის შემდეგაც ოპერაცია აისახება ბანკის ბალანსში. ნებისმიერი ოპერაციისათვის ბანკის მიერ საბანკო ავტორიზაციის მიცემის შემდეგ შეუძლებელი ხდება ინტერნეტბანკით კლიენტის მიერ მისი გაუქმება
ავტორიზაციის საფეხური	ამ დანართი #2-ის 1.18 პუნქტით განსაზღვრული ავტორიზაციის საფეხურები, რომელსაც კლიენტი განსაზღვრავს შესაბამისი განაცხადით
ავტორიზაციის უნივერსალური სქემა	საბანკო ავტორიზაციის სქემა, რომლის არჩევის შემთხვევაშიც კლიენტს აქვს შესაძლებლობა განსაზღვროს დასაშვები საბანკო ოპერაციები, დაშვებულ საბანკო ოპერაციებზე განსაზღვროს სხვადასხვა თანხობრივი ლიმიტები, ავტორიზაციის საფეხურები და ავტორიზებული პირები
ავტორიზაციის სტანდარტული სქემა	საბანკო ავტორიზაციის სქემა, რომლის არჩევის შემთხვევაშიც კლიენტი არ ზღუდავს ანგარიშებზე დასაშვებ საბანკო ოპერაციებს და არ ადგენს თანხობრივ ლიმიტებს, მხოლოდ განსაზღვრავს ავტორიზაციის საფეხურებს და ავტორიზებულ პირებს
ინტერნეტბანკი	დისტანციური საბანკო მომსახურება, რომლის საშუალებითაც შესაძლებელია ინტერნეტში ჩართული კომპიუტერიდან ბანკთან დისტანციურად დაკავშირება, ნებადართული ანგარიშების შემოწმება, გადარიცხვებისა და სხვა საბანკო ოპერაციების წარმოება ბანკში მიუსვლელად
წვდომის უფლება	ინტერნეტბანკის მეშვეობით ნებადართული ანგარიშების ნახვის და/ან ამგვარ ანგარიშებზე ოპერაციების წარმოების შესაძლებლობა
დიჯიპასი	ელექტრონული მოწყობილობა, რომელიც აგენერირებს ერთჯერად პაროლს ინტერნეტბანკში საბანკო ავტორიზაციის და ინტერნეტბანკში გატარებული ოპერაციების დადასტურების მიზნით
ავტორიზებული პირი	კლიენტის მხრიდან სპეციალური უფლებამოსილებით აღჭურვილი პირი, რომლსაც კლიენტის მიერ მინიჭებული აქვს დიჯიპასითა და ინტერნეტ ბანკით სარგებლობის ექსკლუზიური უფლება. ავტორიზებული პირის ვინაობას კლიენტი განსაზღვრავს შესაბამისი განაცხადით

1.2. **კლიენტი ინტერნეტბანკის** მეშვეობით და ფიზიკური დოკუმენტების გარეშე აწარმოებს ელექტრონულ ანგარიშსწორებას როგორც **ეროვნული**, ისე **უცხოური ვალუტით**. **კლიენტსა** და **ბანკს** შორის ელექტრონული ანგარიშსწორება რეგულირდება წინამდებარე **პირობებით** და **კანონმდებლობით**, მათ შორის, საქართველოს ეროვნული ბანკის პრეზიდენტის ნორმატიული აქტებით.

1.3. **მესამე პირთა** მხრიდან **ნებადართული ანგარიშებთან** არასანქცირებული წვდომის თავიდან აცილების მიზნით **კლიენტი** და ნებისმიერი **ავტორიზებული პირი** ვალდებულია, დაიცვას **ინტერნეტბანკის** სარგებლობასთან დაკავშირებული უსაფრთხოების შემდეგი ზომები:

- 1.3.1. კონფიდენციალურად დაიცვას **ინტერნეტბანკში წვდომის უფლების** მოსაპოვებლად აუცილებელი საიდენტიფიკაციო ინფორმაცია - მომხმარებლის სახელი და წვდომის პაროლი, აგრეთვე - **დიჯიპასზე** მიღებული ერთჯერადი კოდი, რისთვისაც აუცილებელია, რომ მან:
- მოახდინოს მისთვის გადაცემული **დიჯიპასის** პერსონალიზაცია (პაროლის შეცვლა) უნიკალური პაროლით;
 - **ინტერნეტბანკში** პირველივე შესვლისას შეცვალოს **ბანკის** მიერ მინიჭებული თავდაპირველი პაროლი;
 - არ გადასცეს საიდენტიფიკაციო ინფორმაცია **მესამე პირს**, მათ შორის, **ბანკის** თანამშრომელს;
 - არ დააფიქსიროს საიდენტიფიკაციო ინფორმაცია საფულეზე, მობილურ ტელეფონში, ბლოკნოტში, პერსონალურ კომპიუტერში ან სხვა ადგილას, რომელიც შესაძლოა ხელმისაწვდომი აღმოჩნდეს **მესამე პირთათვის**.

- 1.3.2. **ინტერნეტბანკით** ყოველი სარგებლობისას შემოწმოს, რომ დაკავშირება მოხდა **ბანკის** ინტერნეტ გვერდიდან, რომლის ზუსტი მისამართია: <https://online.br.ge>;
- 1.3.3. **ინტერნეტბანკთან** ყოველი დაკავშირებისას შემოწმოს ინტერნეტ გვერდის უსაფრთხოების სერტიფიკატი და დარწმუნდეს, რომ სერტიფიკატი მოქმედია;
- 1.3.4. იმ შემთხვევაში თუ ინტერნეტ გვერდის უსაფრთხოების სერტიფიკატი ვადაგასულია **კლიენტმა** არ უნდა განახორციელოს **ინტერნეტ ბანკში** შესვლა;
- 1.3.5. მინიმუმ სამ თვეში ერთხელ, ხოლო **ბანკის** მოთხოვნის შემთხვევაში უფრო მოკლე ვადაში, შეცვალოს **ინტერნეტბანკში** წვდომის პაროლი;
- 1.3.6. დაუყოვნებლივ აცნობოს **ბანკს** **ინტერნეტბანკში** წვდომის მოსაპოვებლად საჭირო პაროლის, **დიჯიპასის** დაკარგვის/დავიწყების შესახებ შემდეგ ტელეფონზე: +995 (32) 290 90 90 ან *9090 დღე-ღამეში 24 საათის განმავლობაში;
- 1.3.7. დაუყოვნებლივ აცნობოს **ბანკს** **ავტორიზებულ პირთა** სიაში განხორციელებული ნებისმიერი ცვლილებების შესახებ.
- 1.4. **კლიენტი** ვალდებულია გაეცნოს **ინტერნეტბანკით** სარგებლობის შეზღუდვებს, წესებს და მომსახურების **ტარიფებს**, რომელიც ხელმისაწვდომია შემდეგ მისამართზე: <https://online.br.ge>.
- 1.5. **ბანკი** ვალდებულია, უზრუნველყოს **ნებადართულ ანგარიშებთან ინტერნეტბანკის** მეშვეობით **კლიენტის** წვდომის შესაძლებლობა და მოემსახუროს **კლიენტს** **ნებადართულ ანგარიშებზე ინტერნეტბანკის** ფუნქციური შესაძლებლობებით დაშვებული ნებისმიერი საბანკო ოპერაციის განხორციელების დროს.
- 1.6. **ბანკი** ვალდებულია, **ინტერნეტბანკის** გააქტიურების შესახებ გადაწყვეტილების მიღების შემდეგ მიაწოდოს **კლიენტს** **ინტერნეტბანკში** წვდომისათვის აუცილებელი საიდენტიფიკაციო ინფორმაცია: საიდენტიფიკაციო კოდი, მომხმარებლის სახელი და წვდომის პაროლი.
- 1.7. **ბანკი** ვალდებულია, ელექტრონული ანგარიშსწორების მიზნით **კლიენტი** უზრუნველყოს **დიჯიპასით**, შესაბამისი პირველადი პაროლით, რომელიც მოთავსებულია დალუქულ კონვერტში.
- 1.8. **ბანკი** ვალდებულია, შეაჩეროს **ინტერნეტბანკში** **კლიენტის** წვდომის უფლება **კლიენტისაგან ინტერნეტბანკში** წვდომისათვის აუცილებელი საიდენტიფიკაციო ინფორმაციის დაკარგვის შესახებ ინფორმაციის მიღებიდან არა უგვიანეს 1 (ერთი) **სამუშაო დღისა**.
- 1.9. **ბანკი** ვალდებულია, აწარმოოს ელექტრონული ინფორმაციისა და საბუთების არქივში შენახვა **კანონმდებლობით** განსაზღვრული ვადით.
- 1.10. **კლიენტი** ვალდებულია, მიაწოდოს **ბანკს** **კანონმდებლობით** გათვალისწინებული, მათ შორის, საქართველოს ფინანსური მონიტორინგის სამსახურის მიერ მოთხოვნილი ინფორმაცია და დოკუმენტაცია.
- 1.11. **კლიენტი** ვალდებულია დაიცვას **ინტერნეტბანკით** სარგებლობის ზოგადი წესები.
- 1.12. **კლიენტი** აცნობიერებს და ადასტურებს, რომ **ინტერნეტბანკის** გამოყენებით შესრულებულ ნებისმიერ შეტყობინებას/ოპერაციას აქვს **ნებადართული ანგარიშის** განკარგავაზე უფლებამოსილი პირის მიერ ქაღალდის საბუთის დადასტურების ტოლფასი იურიდიული ძალა.
- 1.13. შესაბამის დოკუმენტზე ხელმოწერით და/ან ასეთი ფაქტის სხვაგვარად დადასტურებით, მათ შორის, **ინტერნეტბანკით** თუნდაც ერთხელ სარგებლობით, **კლიენტი** ადასტურებს **ინტერნეტბანკში წვდომის უფლების** მოსაპოვებლად საჭირო საიდენტიფიკაციო ინფორმაციის, მომხმარებლის სახელის და წვდომის ერთჯერადი პირველადი პაროლის **ბანკის** მიერ **კლიენტისათვის** გადაცემის ფაქტს.
- 1.14. **ინტერნეტბანკით** სარგებლობისას **კლიენტს** შეუძლია **ნებადართულ ანგარიშებთან** ინტერნეტის მეშვეობით წვდომა და მათზე **ინტერნეტბანკის** ფუნქციური შესაძლებლობებით დაშვებული შემდეგი ოპერაციების განხორციელება:
- 1.14.1. **ნებადართული ანგარიშის** მართვა;
- 1.14.2. **ნებადართულ ანგარიშზე** არსებული ნაშთის ნახვა, ანგარიშიდან ამონაწერის მიღება და, ასევე, ანგარიშის შესახებ სხვადასხვა საცნობარო სახის ინფორმაციის მიღება;
- 1.14.3. **ნებადართული ანგარიშიდან** თანხის გადარიცხვა;
- 1.14.4. საკონვერტაციო ოპერაციების წარმოება;
- 1.14.5. სესხის დაფარვის და ანაზარზე თანხის გადატანის ოპერაციების წარმოება **ბანკს** და **კლიენტს** შორის გაფორმებული შესაბამისი ხელშეკრულების საფუძველზე;
- 1.14.6. კომუნალური და სხვადასხვა სახის მომსახურების გადახდა;
- 1.14.7. **ბანკისათვის** სხვადასხვა შეტყობინების და დავალების გაგზავნა.
- 1.15. საგადახდო დავალებებს **ბანკი** ასრულებს **ბანკში** დადგენილი წესების შესაბამისად.
- 1.16. **კლიენტი** თავად არის პასუხისმგებელი **ბანკისაგან** მიღებული **დიჯიპასის** **მესამე პირთათვის** პირადად გადაცემაზე და იმის უზრუნველყოფაზე, რომ თითოეული **ავტორიზებული პირი/მომავალი** მომხმარებელი მოახდენს მისთვის გადაცემული **დიჯიპასის** პერსონალიზაციას უნიკალური პინით. **ბანკი** იხსნის პასუხისმგებლობას **კლიენტის** მიერ **დიჯიპასის**, მომხმარებლის სახელისა და პაროლის **მესამე პირთათვის** გადაცემის შემთხვევაში.
- 1.17. **კლიენტის** მიერ შესაბამისი **განაცხადით** განსაზღვრება **ავტორიზებულ პირთა** ჩამონათვალი და ამ პირთა საბანკო **ავტორიზაციის საფეხურები**. **ინტერნეტბანკში** შესაძლოა მიეთითოს შემდეგი ტიპის **ავტორიზაციის საფეხურები**:
- **ავტორიზაციის უფლების გარეშე** - **ავტორიზებული პირები**, რომლებსაც არ აქვთ საბანკო **ავტორიზაციის** უფლება;

- შემოწმების უფლება - ავტორიზებული პირები, რომლებიც ინტერნეტბანკში შექმნილი საბუთის სიწორეს ამოწმებენ მათ შესრულებამდე და/ან ავტორიზაციამდე;
- I დონის ავტორიზაციის უფლება - ავტორიზებული პირები, რომლებიც ინტერნეტბანკის მეშვეობით ინიცირებული ოპერაციას ადასტურებენ პირველად მათ შესრულებამდე;
- II დონის ავტორიზაციის უფლება - ავტორიზებული პირები, რომლებიც I დონის ავტორიზაციის უფლების მქონე პირების მიერ ინტერნეტბანკში დადასტურებულ საბუთებს აძლევენ დამატებით დასტურს, რის შემდეგაც ხდება ინტერნეტბანკის მეშვეობით ინიცირებული ოპერაციის საბანკო ავტორიზაცია;
- კომბინირებული ავტორიზაცია - როგორც I დონის ასევე II დონის ავტორიზაციის უფლების მქონე პირები, რომლებიც საჭიროებისას ინტერნეტბანკის მეშვეობით ინიცირებულ ოპერაციას ადასტურებენ ან პირველადი ან მეორადი ავტორიზაციის უფლებით, ამასთან მათ არ აქვთ ერთ საბუთზე, ერთდროულად ორივე დონის ავტორიზაციის უფლება.

დანართი
ანგარიშსწორება საფულე ჩეკით

- 1.1. კლიენტს შეუძლია ანგარიშიდან თანხა გაიტანოს საფულე ჩეკის მეშვეობით, ასევე მესამე პირს გადასცეს საფულე ჩეკი გასანაღდებლად.
- 1.2. ბანკი განიხილავს საფულე ჩეკის განაღდების შესაძლებლობას მხოლოდ იმ შემთხვევაში, თუ საფულე ჩეკის საჩეკო წიგნაკი გაცემულია ბანკის მიერ. ამასთან, თუ კლიენტი ბანკში წარმოდგენს ისეთ საფულე ჩეკს გასანაღდებლად, რომელიც გაცემულია სხვა ბანკის და/ან საფინანსო ინსტიტუტის მიერ ბანკი ვერ მოახდენს საფულე ჩეკში მითითებული თანხის განაღდებას.
- 1.3. საფულე ჩეკი შესაძლოა გამოიწეროს და გადაეცეს გასანაღდებლად მესამე პირს. თუ საფულე ჩეკში არ არის მითითებული თანხის მიმღები პირი, ითვლება, რომ საფულე ჩეკით განსაზღვრული თანხის მიღების უფლება აქვს მხოლოდ კლიენტს, კლიენტის მინდობილ პირს და /ან კლიენტის კანონიერ წარმომადგენელს.
- 1.4. კლიენტის მიერ სხვა იურიდიულ პირზე გამოწერილი საფულე ჩეკით განსაზღვრული თანხის ანაზღაურებას ბანკი მოახდენს მხოლოდ იმ შემთხვევაში, თუ თანხის მიმღებ იურიდიულ პირს ბანკში გახსნილი აქვს ანგარიში და საფულე ჩეკით განსაზღვრული თანხის შეტანა ხდება თანხის მიმღები იურიდიული პირის ანგარიშზე.
- 1.5. კლიენტი ვალდებულია დაუყოვნებლივ აცნობოს ბანკს საფულე საჩეკო წიგნაკის დაკარგვის შესახებ.
- 1.6. საფულე ჩეკის შევსებისა და გამოყენებისას დაცული უნდა იყოს შემდეგი წესები:
 - 1.6.1. საფულე ჩეკი ბანკში გასანაღდებლად უნდა იქნეს წარმოდგენილი შევსებულ მდგომარეობაში;
 - 1.6.2. საფულე ჩეკში რეკვიზიტების შევსება და ხელმოწერები სრულდება მელნიანი ან ბურთულიანი კალმით, ამასთან შევსებისას უნდა იქნეს გამოყენებული ერთი და იგივე კალამი;
 - 1.6.3. რეკვიზიტებში არსებული ჩანაწერის – თანხა ციფრებით ჩაწერილი ციფრების წინ და შემდეგ არსებული თავისუფალი ადგილები იხაზება ორი ხაზით;
 - 1.6.4. საფულე ჩეკში მოცემული სიტყვის გადაუხადეთ შემდეგ იწერება ფულის მიღებისათვის უფლებამოსილი პირის სახელი და გვარი, იურიდიული პირის შემთხვევაში - იურიდიული პირის საფირმო სახელწოდება;
 - 1.6.5. თანხა სიტყვებით იწერება სტრიქონის დასაწყისში, ხოლო სიტყვებით მითითებული თანხის შემდეგ თავსუფალი ადგილის დაუტოვებლად მიეთითება ფულის ერთეულის აღმნიშვნელი სიტყვა;
 - 1.6.6. ბანკი საფულე ჩეკს გასანაღდებლად მიიღებს მხოლოდ იმ შემთხვევაში თუ საფულე ჩეკზე დატანილი ხელმოწერა ედრება ხელმოწერის ნიმუშს;
 - 1.6.7. ბანკი საფულე ჩეკს ბეჭდით დამოწმების გარეშე მიიღებს გასანაღდებლად მხოლოდ იმ შემთხვევაში, თუ კლიენტის მიერ ბანკისთვის წარდგენილ ხელმოწერათა ნიმუშებიან ბარათში არ არის დაფიქსირებული ბეჭედი.
- 1.7. ამ დანართი-ის 1.6 პუნქტში მოცემული წესების დარღვევით შევსებული საფულე ჩეკი ითვლება არასწორად შევსებულად. საფულე ჩეკის არასწორად შევსების ან საფულე ჩეკის ტექსტში რაიმე ცვლილების შეტანის შემთხვევაში საფულე ჩეკი ითვლება ძალადაკარგულად და ბანკს უფლება აქვს არ შეასრულოს კლიენტის ან საფულე ჩეკის წარმომდგენის მოთხოვნა თანხის განაღდების შესახებ. იგივე წესი გამოიყენება, თუ საფულე ჩეკი, ბანკის შეფასებით, დაზიანებულია.

დანართი
ავტომატური საგადახდო დავალება

- 1.1. წინამდებარე დანართის მიზნებისათვის ქვემოთ მოყვანილ ტერმინებს აქვს შემდეგი მნიშვნელობა:
- | | |
|--------------------------------------|---|
| ავტომატური საგადახდო დავალება | კლიენტის მიერ ბანკისათვის მიცემული დავალება, გარკვეული პერიოდულობით ანგარიშიდან კლიენტის სხვა ანგარიშზე ან/და მესამე პირის ანგარიშზე გადარიცხოს დავალებითვე განსაზღვრული თანხა |
| ანგარიში | კლიენტის მიერ ბანკში გახსნილი ანგარიშ(ებ)ი, რომლიდანაც ავტომატური საგადახდო დავალების შესრულების მიზნით უნდა მოხდეს თანხის კლიენტის სხვა ანგარიშზე და/ან მესამე პირის ანგარიშზე გადარიცხვა |
| პრიორიტეტული ვალუტა | მულტისავალუტო ანგარიშის არსებობისას კლიენტის დავალების შესრულებისთვის კლიენტის მიერ უპირატეს (პირველ) და შემდგომ ვალუტ(ებ)ად არჩეული ვალუტა/ვალუტები. |
- 1.2. **ავტომატური საგადახდო დავალების** შესრულება დამოკიდებულია **ანგარიშზე** საკმარისი თანხის არსებობაზე. თუ **ანგარიშზე** არ არის საკმარისი თანხა, აღნიშნული დავალება არ შესრულდება. თუ **კლიენტის** მიერ მითითებული თარიღ(ებ)ისთვის **ავტომატური საგადახდო დავალება**, სულ მცირე, სამჯერ არ შესრულდა **ანგარიშზე** არასაკმარისი ნაშთის მიზეზით, მაშინ აღნიშნული დავალება შესაძლოა გაუქმდეს **ბანკის** შეხედულებისამებრ. ამასთან, ყოველგვარი ეჭვის გამორიცხვის მიზნით **მხარეები** თანხმდებიან, რომ **ავტომატური საგადახდო დავალების** შესრულება არ მოხდება თუ მისი შესრულების შემთხვევაში **ანგარიშზე** დარჩენილი ნაშთი არ იქნება საკმარისი **ავტომატური საგადახდო დავალების** შესრულებისთვის **ბანკის** მიერ დაწესებული **საკომისიოს** გადასახდელად. **მხარეები** აგრეთვე თანხმდებიან, რომ ამ პუნქტის წინა წინადადებაში მითითებულ შემთხვევაში არ მოხდება **ავტომატური საგადახდო დავალების** ნაწილობრივ შესრულება.
- 1.3. რამდენიმე **ავტომატური საგადახდო დავალების** არსებობის შემთხვევაში დავალებების შესრულების რიგითობა დგინდება **კლიენტის** მიერ შევსებული შესაბამისი **განაცხადით**, ხოლო ამგვარი **განაცხადის** არარსებობის შემთხვევაში შესრულების რიგითობა განისაზღვრება **ბანკის** შეხედულებისამებრ. **ავტომატური საგადახდო დავალება** შეიძლება შესრულდეს ნებისმიერი იმ ვალუტით, რომლითაც **ბანკში** დასაშვებია **ანგარიშის** გახსნა და ოპერაციების წარმოება. ასევე, თუ აღნიშნული ოპერაცია აკრძალული არ არის **კანონმდებლობით** და/ან **ბანკის** შიდა პროცედურებით.
- 1.4. **ავტომატური საგადახდო დავალება** შეიძლება შესრულდეს **კლიენტის** მიერ წინასწარ არჩეული სხვადასხვა პერიოდულობით **განაცხადში** აღნიშნული ინფორმაციის შესაბამისად.
- 1.5. **ავტომატური საგადახდო დავალების** აქტივაცია ან გაუქმება ხორციელდება **კლიენტის** მიერ შესაბამისი **განაცხადის** შევსებიდან 2 (ორი) **სამუშაო დღის** განმავლობაში.
- 1.6. **ავტომატური საგადახდო დავალება** ვადაზე ადრე შეიძლება შეწყდეს მინიმუმ 2 (ორი) **სამუშაო დღით** ადრე **კლიენტის** მიერ შესაბამისი განაცხადების **ბანკისათვის** წარდგენის შემთხვევაში. გარდა ამისა, თუ დაიხურა **ანგარიში** ან მიმღების ანგარიში (თუ მიმღების ანგარიში გახსნილია სს „ბანკ რესპუბლიკაში“), რომელზეც უნდა გადაირიცხოს დავალებით გათვალისწინებული თანხა, **ავტომატური საგადახდო დავალება** ავტომატურად გაუქმდება.
- 1.7. თუ **ავტომატური საგადახდო დავალების** შესასრულებლად საჭიროა **ანგარიშზე** არსებული სხვადასხვა ვალუტის კონვერტაცია, ამ ოპერაციას **ბანკი** განახორციელებს **კლიენტის** დამატებითი თანხმობის გარეშე, კონვერტაციის მომენტში **ბანკში** არსებული კომერციული კურსის შესაბამისად. **ავტომატური საგადახდო დავალების** შესრულების მიზნებისთვის **კლიენტი** უფლებამოსილია განსაზღვროს **პრიორიტეტული ვალუტა**.
- 1.8. შეუსრულებელი ან/და შეცდომით შესრულებული **ავტომატური საგადახდო დავალებით** გამოწვეული ზიანისათვის **ბანკს** არ დაეკისრება რაიმე ვალდებულება იმ შემთხვევაში, თუ **ავტომატური საგადახდო დავალება** ვერ შესრულდა **კლიენტის** და/ან თანხის მიმღების მიზეზით, მათ შორის, თუ **ანგარიშზე** საკმარისი თანხა არ არის ან/და **კლიენტმა ბანკს** წარუდგინა მცდარი ინფორმაცია.

დანართი
ავტომატური კომუნალური გადახდები

- 1.1. წინამდებარე დანართის მიზნებისათვის ქვემოთ მოყვანილ ტერმინებს აქვს შემდეგი მნიშვნელობა:
ავტომატური გადახდები ან Direct Debit ავტომატური გადახდების მომსახურება გამოიყენება კომუნალური, საკომუნიკაციო და სხვა მომსახურების დავალიანების ავტომატურად დაფარვისათვის
მომსახურე ორგანიზაცია პროვაიდერი კომუნალური, საკომუნიკაციო ან სხვა ტიპის მომსახურების მომწოდებელი კომპანია, რომლის მომსახურების საზღაურს იხდის **კლიენტი** Direct Debit საშუალებით.
- 1.2. **ავტომატური გადახდები** წარმოადგენს მომსახურებას, რომლის საშუალებითაც **კლიენტი** უფლებამოსილია გადაიხადოს კომუნალური დავალიანება და ან ნებისმიერი სხვა დავალიანება **მომსახურე (პროვაიდერი) ორგანიზაციის** სასარგებლოდ.
- 1.3. **ავტომატური გადახდების** მომსახურების გააქტიურების მიზნით **კლიენტი** უნდა გამოცხადდეს **ბანკში** ან **ბანკისათვის** მისაღები სხვა ფორმით შეავსოს **განაცხადი** და/ან დავალების ფორმა **ბანკის** მიერ დადგენილი წესით და ხელი მოაწეროს **განაცხადს**.
- 1.4. Direct Debit-ის ოპერაციების ვადა, პერიოდულობა, თანხის ოდენობა და სხვა დეტალები მოცემულია თითოეულ **ავტომატურ გადახდასთან** დაკავშირებით **კლიენტის** მიერ შევსებულ შესაბამისი დავალების ფორმაში და/ან **განაცხადში**.
- 1.5. **ავტომატური გადახდებით** მომსახურება ხორციელდება მხოლოდ **ეროვნული ვალუტით**. თუ **კლიენტის** მიერ მიცემულ დავალებაში ასევე მითითებულია სხვა ვალუტებში არსებული ნაშთების ათვისება და **ავტომატური გადახდების** შესასრულებლად საჭიროა **ანგარიშზე** არსებული სხვადასხვა ვალუტის კონვერტაცია, ამ ოპერაციას **ბანკი** განახორციელებს **კლიენტის** დამატებითი თანხმობის გარეშე და კონვერტაციის შედეგად მიღებულ თანხას მიმართავს **ავტომატური გადახდების** დავალების შესასრულებლად.
- 1.6. **ბანკი** უფლებამოსილია შეუწყვიტოს **კლიენტს ავტომატური გადახდებით** მომსახურება თუ **კლიენტს** ზედიზედ 3 (სამი) თვის განმავლობაში **ანგარიშზე** არ აქვს საკმარისი ნათში დავალების შესასრულებლად ან/და **კლიენტს** ზედიზედ 3 (სამი) თვის განმავლობაში **მომსახურე პროვაიდერის ორგანიზაციის** სასარგებლოდ არ ერიცხება დავალიანება.

